

ივერია

ქართული ეროვნული კოლიტივის ორგანო
პერიოდული გამოცემა

L'organe de la politique nationale Géorgienne
„I V E R I A“

Directeur E. PATARIDZE.

Rédacteur S. TCHIRAKADZE.

ი ვ ე რ ი ა 1967

N° 13

JUIN 1967

შ ი ნ ა ა რ ს ი;

- ორჯონიკიძის ვეკილის «სიბრძნე-სიცრუისა» ვლ. პატარაძე
- ერთი დაუსაბუთებელი დებულებისა გამო შ. კალანდ. მე
- რუსულ-ჩინური ბაკჰანალია ი. ს—ლი
- კომუნისტური ბლავის რღვევა ხევ. ჭირაქაძე
- გ. ყიფიანის ლექსები მ. ქავთარაძე
- დეკანოზი რაფიელ ინგილო-ივანიცკი.
- ნიკო ნაჯაშიძე.
- საჯარო მოხსენება.
- შოთა რუსთაველის დღე.

საქართველოს ეროვნულ-დემოკრატიული პარტია.

LE PARTI NATIONAL-DEMOCRATE GEORGIEN

პარიზი — PARIS
1967



ივერია

ძარბაზული ეკონომიკური პოლიტიკის ორგანო
პერიოდული გამოცემა

ო ვ ნ ი ს ი 1967

№ 13

J u n i n 1967

ოჯგონიკის ვეილის

„სიბრძნე-სიცრუისა“

საბჭოთა რუსეთის უმაღლესი მთავრობის გაეკარგულე-ბითა და ბრძანებით, საქართველოს მატეანედან სრულიად ამოგდებულია და დავიწყებულიც. ის მეტად მნიშვნელოვანი ისტორიული ეპოქა, როდესაც ქართველმა ერმა 117 წლის მონობის შემდეგ, ეროვნული თავისუფლება მოიპოვა და დამოუკიდებელი სახელმწიფო აღიდგინა. ამ მეტადმნიშვნელოვანი ეპოქის მოგონება, პოლიტიკურ ცოდნათა და დანაშაულადაა მიჩნეული.

«სხვა თარიღების მოგონება კი, გულს აღავსებს სითბოთი, სიბრძნით და სიამაყით. ასეთ განსაკუთრებით სასიხარულო თარიღებს შორის არის 1921 წლის 25 თებერვალი, დღე რომელმაც (თურმე) საქართველოს მოუტანა: თავისუფლება, დამოუკიდებლობა და ბედნიერება. ეს არის დღე, როცა ქართველმა ხალხმა თავისი უძველესი მეგობრის—დიდი რუსი ხალხის—დახმარებით, საქართველოში საბჭოთა ხელისუფლება დაამყარა».

ეს ბრძნული აზრები საქართველოს ს.ს.რ-ის უმაღლესი საბჭოს პრეზიდიუმის თავმჯდომარე ბ-ნ გ. ძოწენიძეს ეკუთვნის. გვაბატოოს ერთხელ კიდევ რომ ვსარგებლობთ მისი აზრებით. ან და საბოდიშო რა გვაქვს, შოთა რუსთაველის ბრძნულ აზრებს, ხომ რვა საუკუნის შემდეგ ვიმეორებთ!

საბჭოთა საქართველოს მწერალს, რომელიც სურვილს გამოსთქვამს ან დავალებას მიიღებს, საქართველოს იმ «საიდუმლო ეპოქის» შესახებ რაიმე დასწეროს, მოათავსებენ საბჭოთა გამომცემლობის არქივში, წინ დაუწყობენ წინასწარმეტყველ—ლენინ-ტროცკ-სტალინ მახარაძე ორჯონიკიძისა და მათ «მოციქულთა წმიდა ნაწერებს», თანაც პრავდა-იხგესტია-კომუნისტ-ზარია ვოსტოკის თითქმის ნახევარი საუკუნის კომპლექტებს, წითელ სათვალეებს და რუსულ კალამსაც მისცემენ და გარკვეულ დავალებასაც. მწერალიც ვალდებული

ლია და იძულებულიც მისდამი მიცემული დავალება შეასრულას. ასეთ მოვლენებთან არაერთხელ გვეჭონია საქმე, მათ დასასრული და ბოლო არ უჩანს. ჩვენც ვალდებულნი და იძულებულნი ვართ, მათ გამოსვლებს განმეორებითვე უპასუხოთ, რათა ბოლოსიტყვა ამ სიცრუისა და სიყალბის ავტორებს არ დარჩეს.

დღეს ჩვენ ვდგავართ «მნათობის» მე-10 და მე-11 ნომრებში, ბნ აკაკი ირემაძის ხელმოწერით გამოქვეყნებულ «ორი დიდი თარიღის წინ», რომლის მთავარი მომქმედი პირი რ. კ. პ. (ბ.) კავკასიის ბიუროს ხელმძღვანელი, სერგო ორჯონიკიძეა.

ამ ორი ერთი მეორისადმი მიმდევნა. სტატიის, ავტორ აკ. ირემაძეს დავალებული აქვს—საქართველოს დემოკრატიული რესპუბლიკის გასაბჭოება და მისი ხელახლად საბჭოთა რუსეთის საზღვრებში მოქცევა. თვით ქართველი ხალხის, მისი საკუთარი მთავრობის წინააღმდეგ აჯანყებებისა და ბრძოლების—შედევით მოაჩვენოს მკითხველს; მაგრამ მის განკარგულებაში მყოფი, თვით კომუნისტური მასალებიც კი ვერ ფარავენ იმ დროინდელი მოვლენების სინამდვილეს და მწერალი მისადმი დავალებული თეზისადმი საწინააღმდეგო მიმართულებით მიყავს.

«1918 წელს, ბაქოში საბჭოთა ხელისუფლების დამხობის შემდეგ, მთელი კავკასია, საბჭოთა რესპუბლიკისაგან მოწყვეტილი აღმოჩნდა. შეწყდა მრავალერიანი კავკასიელი ხალხის ეკონომიური, პოლიტიკურ-კულტურული კავშირი რუს ხალხთან. სოციალიზმის მშენებლობის ინტერესები რუსეთში და კავკასიელი და რუსის ხალხის სასიცოცხლო ინტერესები მოითხოვდა დარღვეული ურთიერთობის აღდგენას. ბოლშევიკების (რუსების) პარტია არასოდეს შერიგებია რუსეთისაგან ამიერ-კავკასიის მოწყვეტას. ადგილობრივი პარტიული ორგანიზაციები კვლავ შედიოდნენ რუსეთის კომუნისტური პარტიის შემადგენლობაში, როგორც მისი განუყრელი ნაწილი. პარტიის ცკ-ის ვ. ი. ლენინის მითითებითა და დირექტივებით ხელმძღვანელობდნენ კავკასიელი ბოლშევიკები» ო.

ამ გამოპარული ოფიციალური დოკუმენტის შემდეგ, ზედმეტად მიგვაჩნია ვრცელი ახსნა განმარტება. აშკარადაა ნათქვამი, რომ რუსეთის ახალი მეთაურები, ძველი იმპერატორების პოლიტიკური ხაზის გამგრძელებელნი არიან, რუსეთის იმპერიის აღდგენისათვის მოღვაწეობენ და იბრძვიან. რომ ქართველი კომუნისტების მეთაურებიც, რუსეთის ბოლშევიკური პარტიის წევრები, ძველი რუსეთის მთლიანობის აღდგენისათვის მოქმედებენ და იბრძვიან, ლენინის მეთაურობითა და ბრძანებით.

საბჭოთა რუსეთის ბოლშევიკური პარტიის ცენტრალური კომიტეტის დადგენილებით 1921 წ. 4 თებერვალს არსდ-

ბა კომიტეტი ჩრდილო-კავკასიაში საბჭოთა ხელისუფლების დასამყარებლად. ამ უფლებამოსილ ორგანოს მეთაურად უნი-
შნავენ ს. ორჯონიკიძეს, რომელიც მთელი კავკასიის ყველა
ხალხის წარმომადგენელთა სახელით, მიმართავს საბჭოთა
რუსეთის მეთაურებს, ძმური დახმარებისათვის და სთხოვს
ჯარებით დახმარებას! საბჭოთა რუსეთის მეთაური ვ. ი. ლე-
ნინი უარს როგორ ეტყოდა მისი დავალებით გაგზავნილ აგ-
ენტს. იმავე წლის თებერვლის 8 ს. ი. ჯუღაშვილი ინიშნება
კავკასიის ფრონტის სამხედრო რევალიუციური საბჭოს წე-
ვრად. მოსკოვში იკმნება კომისია, რომელიც კავკასიელ კო-
მუნისტებს აგროვებს და კავკასიაში გზავნის. იმავე წლის 8
აპრილს არსდება რუსეთის ბოლშევიკური პარტიის ც. კომი-
ტეტთან კავკასიის ბიურო, ს. ორჯონიკიძის მეთაურობით.
ამ ბიუროს დანიშნულებაა: კავკასიაში ბოლშევიკური ხელი-
სუფლების დამყარება და გასაბჭოებულ კავკასიის რესპუბ-
ლიკათა გაერთიანება რ. ს. ფ. ს. რესპუბლიკასთან, ვითომდა
ამ რესპუბლიკების დამოუკიდებლობის შენარჩუნების პი-
რობებში! (sic) ვ. ი. ლენინი ურჩევს ორჯონიკიძეს, საქარ-
თველოს განსაკუთრებული სიფრთხილით მოეპყროს!

ლენინი, როგორც ბ-ნი ირემადე სწერს, მუდამ საქმის
კურსში იყო და პირადათ წარმართავდა კავკასიელ ბოლშე-
ვიკების მთელ საქმიანობას.

ლენინი აკმაყოფილებს ორჯონიკიძის თხოვნას, დასახმა-
რებლად გზავნის მე-XI არმიას, რომელიც, ვითომდა «განთა-
ვისუფლებულ» ბაქოში შედის 1920 წლის 30 აპრილს. შ. ლე-
ვანდოვსკის სარდლობით.

საბჭოთა ჯარების წინსვლა, რომ არ შეჩერდეს, მოსკო-
ვის დამპყრობითი პოლიტიკის დღისწესრიგში საქართვე-
ლოს დაპყრობის საკითხი სდგას.

ორჯონიკიძე და კიროვი, ლენინს დეპეშით აცნობებენ:
«თქვენი ბრძანება ზუსტად იქნება შესრულებული: აჯანყების
რაიონებში: სამხრეთ ოსეთის, დუშეთის მაზრის, ღაგრ დეხის
და აფხაზეთის საზღვრებთან ჩვენი (უნდა ვიგულისხმობთ მე-XI
არმია). მიახლოვებისას აჯანყება გარდაუვალია». თანაც
სთხოვენ ლენინს: «დააწყვიტო ჩრდილო ოსეთიდან გორის მა-
ზრას»-ო.

ეს ის ხანაა, როცა პოლონეთის მარეშალ პილსუდსკის
ჯარები საბჭოთა რუსეთის საზღვრებში ღრმად შეიჭრა და
კიევი დაიკავა. იმავე დროს დაიძრა ყირიმიდან ლენერალ ვრა-
ნგელის თეთრგვარდიელთა არმიაც და მისი პირველ რი-
ცებში ყუბანში ძლიერი დესანტი გადასხა.

ცხადია ამ მოვლენებმა საგონებელში ჩააგდო ლენინი ის
დაუყოვნებლივ დეპეშას უგზავნის მის ემისარ ორჯონიკიძეს:
«თქვენი მოქმედების გეგმა ეწინააღმდეგება ც. კ. -ის დადგენი-

ლებას და სახიფათოა. კატეგორიულად მოვითხოვთ თქვენი დადგენილების აღსრულების შეჩერებასა-ო.

სტალინიც პირდაპირი მავთულით ელაპარაკება და აბრ-თნილებს ორჯონიკიძეს: «მხედველობაში მიიღე, რომ ც.კ.-ის ეს მოთხოვნა ნაკარნახევია საერთაშორისო მშტაბის ახლანდელი ვითარებით»-ო.

პოლანეთის ჯარების გამარჯვებამ, თანაც ვრანგელის არმიის წინსვლამ, საგონებელში ჩააგდო წითელი მოსკოვის ლენინის მთავრობა. აზერბაიჯანის შემდეგ, საქართველოს სამხედრო მოქმედებით დაპყრობის იმედი დაუქარგა და ბრძოლის მეთოდიც შეაცვლევინა დროებით.

არ უნდა დავივიწყოთ, რომ საქართველოს დემოკრატიუ-ლი რესპუბლიკის მთავრობის დელეგაცია, საბჭოთა რუსეთ-თან ხელშეკრულების დასადებად, გრ. ურატაძის მეთაურობით, რამოდენიმე კვირის წინ თბილისიდან წარგზავნილი შეჩერებული იყო ჩრდილო-კავკასიაში, მოსკოვის ემისრების მიერ, ლენინ-სტალინის ნება სურვილის თანახმად. იგივე ლენინი, საქართველოს მთავრობასთან მოლაპარაკებას, ახლა პირველხარისხოვან მნიშვნელობას აძლევს. რუსული კლასიკური პოლიტიკა ბოლშევიკებისათვისაც სავალდებულო აღმოჩნდა: ერთი და იმავე მიზნის მიღწევა, ხან სამხედრო ძალით, ხანაც მშვიდობიანი მოლაპარაკებით. ლენინმა,—ვიტომ არ იცოდა, საქართველოს დელეგაციის დაგვიანების მიზეზი—დეკემბით ურატაძის მოსკოვისაკენ გამგზავრების დაგვიანების მიზეზი მოითხოვა. «მეორეჯერ გთხოვთ, სასწრაფოთ ვგაცნობოთ, ურატაძის გამომგზავრების დაგვიანების შესახებ, თქვენი მოტივები»-ო.

ორჯონიკიძე, იძულებული იყო ურატაძის დელეგაციისათვის გზა გაეხსნა და მოსკოვისაკენ გაეგზავნა 1920 წლის მაისის 7 ს, რუსეთ-საქართველოს შორის ხელშეკრულება დადებულ და ხელმოწერილ იქმნა. სამწუხაროთ ჩვენი ერის საბედისწეროთ. ამ დიპლომატიურმა აქტმა ფაქტიურად ხელი შეუკრა საქართველოს მთავრობას და ხელი გაუხსნა საბჭოთა რუსეთის მთავრობას, საქართველოში კომუნისტური პარტიის ლეგალიზაციით.

ამ ხელშეკრულების მე 10 მუხლის ძალით, «საქართველოს მთავრობა ვალდებულია, გაანთავისუფლოს სასჯელისაგან და აგრეთვე, შემდეგში სასამართლო ან აღმინისტრაციული წესით დევნისაგან ყველა, რომლებიც იდენებოდნენ საქართველოს ტერიტორიაზე, რუსეთის სოც. ფედერ. საბჭოთა რესპუბლიკის, ან კომუნისტური პარტიის სასარგებლო მოქმედებისათვის». იმავე დროს «აღიაროს საქართველოს ტერიტორიაზე მყოფი კომუნისტური ორგანიზაციების თავისუფალი არსებობისა და მოქმედების უფლება».

ამ ჩვენთვის საბედისწერო ხელშეკრულებამ ხელი გაუხს-

ნა საბჭოთა რუსეთის მთავრობას, თავდაცვის უფლება აპყარა და ხელი შეუქრა საქართველოს ხელისუფლებას: ხელშეკრულების ძალით საქართველოს სატუსაღოთა კარები გაიღო და განთავისუფლებულ იქმნა ათასზე მეტი ქართველი თურუსი კომუნისტი, რომელიც წინა ხანებში დატუსაღებული იყო რუსეთის სასარგებლოდ პოლიტიკურ-კრიმინალური ფარული მუშაობისათვის. რუსეთის კომუნისტურ პარტიას საშუალება და უფლება მიეცა; საქართველოს ეროვნული სახელმწიფოს წინააღმდეგ მომკმედი პარტიული ორგანიზაციების ლეგალური არსებობისა და ყოველდღიური პრესისა და გამომცემლობის დაარსების, თანაც საჯარო კრებებისა.

ამ მოკლე დროის განმავლობაში მზადდება ჩვენი მეზობელი სომხეთის რესპუბლიკის დაპყრობა. «სომეხი ხალხის საუკუნოებრივი ბრძოლა თავისუფლებისა და დამოუკიდებლობისათვის ბრწყინვალედ დაგვირგვინდა. სომეხი ხალხის ცხოვრებაში ახალი ერა დაიწყო!» ბრძანებს ბნი ირემიძე.

ჯერი საქართველოზედ მიდგა. რუსეთის მე XI არმია საქართველოს საზღვრებთან დგას და პოზიციებს ამზადებს. საქართველოში უამრავი ბოლშევიკური აგენტები შემოდიან ფარულად და აუარებელი იარაღი შემოაქვთ. გადამწყვეტი მომენტიც დადგა.

საქართველოს საზღვრებთან მდგარი და საომრად მოწინადებული მე-XI არმია ცეცხლის გახსნის ბრძანებას ელოდება. ორჯონიკიძისა და ლაზიანის მეთაურობით, ვითომდა, აჯანყება მზადდება ლორის «ნეიტრალურ ზონაში». ფარულად შეიქმნა ლორის სამხედრო რეგოში და «ჩეკა». ორჯონიკიძე-ლაზიანმა მიმართეს რ. კ. პარტიის ბიუროს და სთხოვეს მიეშველებინა მათთვის წითელი არმიის ნაწილები. 11 თებერვალს ლორში ვითომდა აჯანყება დაიწყო, და თითქოს აჯანყების ცეცხლში გაეხვია სხვა ახლომდებარე რაიონებიც. 16 თებერვალს ბორჩალოში ფარულად ქმნიან საქართველოს რეგოში: ფ. მახარაძის, მ. ორახვლაშვილის, მ. ცხაკაიას, შ. ელიაშას, ა. გეგეჭკორის, ბ. კვიციკელიას და ნახარტიანის შემადგენლობით. უკვე მომკმედ მე-XI არმიას მიეცა ბრძანება შეტევაზე გადასულიყო საქართველოს ჯარების წინააღმდეგ. შემოტევა დაიწყო, საქართველოსადმი ოფიციალურად ომის გამოუცხადებლად. ყველა ეს ხელოვნურად მომზადებული «მიზანსცენა» საჭირო იყო იმისათვის, რომ თავისუფალი მსოფლიო შეცდომაში შეეყვანათ და მოეტყვილებინათ.

დასავლეთით მდებარე შავიზღვის ჩრდილო-ნაპირებიდან აღმოსავლეთით მდებარე კასპიის ზღვის ნაპირებამდე, წინასწარ განლაგებული იყო რუსული ჯარის ფეხოსანთა, ცხენოსანთა თუ საარტილერიო ნაწილები, რომელნიც ბრძანებას ელოდნენ, რომ საქართველოს საზღვრები გადმოეღობათ. მთელი ამ წახის გასწვრივ წინასწარ გადმოსმული იყო რუ-

სეთიდან დივერსანტებისა და პროპაგანდისტთა ჯგუფები, რომელთა დანიშნულება იყო საქართველოს ხელისუფლებისადმი მტრული განწყობილების გამოწვევა, ამ საზღვრებზე მობინადრე უცხო ტომებში.

იმავე დროს საბჭოთა რუსეთის მთავრობა ხელშეკრულებასა დებს ოსმალეთის მთავრობასთან, რომელსაც წინასწარ უთმობს სამამუდიანო საქართველოს—აჭარა-ქობულეთის ოლქებსა და საოლქო ქალაქ ბათუმს, იმ პირობით, რომ ოსმალეთის ჯარები ზურგიდან თავს დაესხმიან რუსეთის წითელ ჯარებთან ომში ჩაბმულ საქართველოს.

ამგვარად ისტორიულ მტერთა მიერ ალყაშემორტყმული საქართველო ომის ცეცხლში ეხვევა. სამხედრო მოქმედებათა მთავარი ასპარეზი თბილისის ახლო მიდამოებია. სოლალული და კოჯორი, სადაც ქართული ჯარის ნაწილები სასტიკათ იბრძვიან და დიდის მსხვერპლის გაღებით იცავენ სამშობლოს. სამხედრო მოქმედება სწარმოებს დუშეთში, სვანეთსა და რაჭა-ლეჩხუმის, თან აფხაზეთის საზღვრებზე ჩრდილოეთიდან თავდამსხმელ რუსის ჯარების წინააღმდეგ. ფიზიკურ ძალთა ამ უსწორო ბრძოლაში ჩაბმული საქართველოს მხედრობა თავდადებით იბრძვის, ერის თავისუფლებებისა და დამოუკიდებლობისათვის, დედა ქალაქის დაცემის შემდეგაც ერთი თვის განმავლობაში, ყოველის მხრიდან ცეცხლის რქალ შემორტყმული. ებრძვის რუსეთის ასჯერ მეტ წითელ არმიას და ამავე დროს ზურგში მოღალატურად თავდამსხმელ ოსმალეთის ჯარებს, რომელიც ბათუმისა და სამამუდიანო საქართველოს დასაპყრობათ, მოსკოვის თანხმობით, სამხრეთ საზღვრებში ღრმად შემოიჭრა. ქართულმა ლაშქარმა საქართველო ვერ იხსნა რუსეთის მიერ დაპყრობისაგან, შაგრამ ბათუმი და აჭარა-ქობულეთის ოლქი კი იხსნა ოსმალეთის მიერ მზაკვრულად წატაცებისაგან.

საბჭოთა რუსეთის მთავრობა და ოფიციალური წრეები, განგებ მაღავენ ამ ისტორიული ომის სინამდვილეს. და ცდილობენ ისტორიას მიაღებინონ მათ მიერ შეთხზული ზღაპარი: თითქოს საქართველოს ადგილობრივი მოსახლეობა, თვით ქართველი ხალხი, მისი ეროვნული მთავრობის წინააღმდეგ აჯანყდა, გაიმარჯვა და შეუერთდა რუსეთს. მათთვის ეს სასარგებლო და მეტად ხელსაყრელიც.

გაუგებარია და მეტად სამწუხაროც, როცა ქართველი მოდგმის ქართველი კომუნისტების ახალი თაობის წარმომადგენელნიც.—რომელთაც არაერთარი მონაწილეობა მიუღიათ რუსების მხარეზედ, მათი სამშობლოსა და ერის დაპყრობის პროცესში.—დამპყრობელი რუსის პოლიტიკის კალენივესწერენ, იმ დროინდელი ისტორიული მოვლენების შესახებ. ნუ თუ ვერ ამჩნევენ დაწერის შემდეგ მაინც, რომ მათ მიერ აღნუსხული ფაქტები და მოვლენები არა თუ ვწინააღმდეგე-

ბიან, არამედ მთლიანად არღვევენ და უარყოფენ იმ თეზას, რომლის დასაბუთებისათვისაც მათ რუსეთის ხელისუფლება ავალებს, კალამი ხელში აიღონ.

ჩვენ არ ვიცით, «მნათობში» გამოკვეყნებული ამ სტატიების ავტორი ბ-ნი ირემიძე რა ხნისა და რომელი თაობის კაცია, იმ ძველი თაობისა და ბოლშევიკური დასის, რომელმაც თავისუფალი საქართველო საბჭოთა რუსეთს დააპყრობინა, თუ შემდეგი რომელიმე ახალი თაობის. ორივე შემთხვევაში კი აშკარად საბრალო და საცოდავ როლში გამოყავთ. ერთ-ერთულ და პირად-თავისუფლება აყრილ ქართველს, ხელში მისცემენ, რუსული ფაბრიკაციის, რუსული იდეებით გაუღწეოთ კალამს. ეს უკანასკნელია, ნაწერის აზრისათვისა და შინაარსისათვის პასუხისმგებელი, თვით მწერალი კი ნაწერის ტექნიკური შემსრულებელია, მაგრამ ვაი იმას თუ ამ ფუნქციას გადააჭარბა, და კალამს თავისი აზრი და შეხედულება დააწერია.

ჩვენც ამიტომა ვართ ღმობიერნი, ამდაგვარი კალამის მონად ქცეულ ქართველი მწერლების მიმართ: ვერიდებით მათ ვალაზვასა და შეუთრაცოფას.

ელ. პატარიძე.

ერთი დაუსაბუთებელი

დებულებისა გამოც

ჩვენ სიამოვნებით ვკითხულობთ საბჭოთა საქართველოს თვითველ გამოცემას—გაზეთია ის, ყოველ კვირეული, ყოველ თვიური თუ სხვა... რამდენი ძველი თუ ახალი ნაცობების სახელები! ჩვენ ეს გეახარებს, გვალელვებს. ანდენი ხნის განშორების შემდეგ, თითქოს ერთმანეთს შეეხვდით, ერთმანეთი მოვიკითხეთ, ძველი ამბები გავიხსენეთ—ჩვენი სიყრმე, უნივერსიტეტი, ჩვენი საყვარელი პროფესორები და ყველაფერი ის, რაც გულს გვიდაღავდა...

ვკითხულობთ მათ წერილებს და სიბრალულის გრძნობა იბადება მათ მიმართ—გრძნობა სევდისა და ნაღველის მომგვრელი. საერთო შთაბეჭდილება—მოსაწყენი, უფერული, მოსაბეზრებელი ერთფეროვნება, ტრაფარეტები, გაცვეთილი აზრების გადამღერება: ერთი სიტყვით ნამდვილი პროვინცია. ნურავინ იფიქრებს უნიკობას, ან გაუნათლებობას ვწამებდეთ ვინმეს, პირიქით, უბედურებაც იმაშია—ყველა ესენი ნიჟით დაყურსულნი არიან და ზოგიერთი ევროპიულად განათლებულიც, ეს მწარე სიტყვები მიმართულია არა მათდამი, არამედ იმ უნიკო მიზანსცენებისა და დადგმებისადმი, რომელშიაც ისინი, საკუთარი სახის სრული დაკარგვით, იძულებული არიან მონაწილეობა მიიღონ.

საბჭოთა ხელისუფლება არა მხოლოდ ტოტალიტარულია, ის უტილიტარულიც არის. საბჭოთა კავშირის გმირის, შრომის გმირის, ლაურეატის, მეცნიერების, მხატვრობის, მიცვალებულის თუ ანაღდაბადებული—პროპაგანდის მიზნით ყველას გამოყენება დასაშვებია. არ აძლევენ მოსვენებას თვით კომუნისმისადმი შეუთრგებელ მიცვალეზღულსაც კი. მართლაც, რისი მოწამენი არ ვიყავით ამ 46 წლის მანძილზე. ჩვენ სახელოვან მწერლებს—ბარათაშვილს, ყაზბეგს, ვაქას, აკაკის და სხვებს იმიტომ არ ჰქონდათ კომუნისტური პარტიის წევრობის წიგნაკები, რომ დროზე დაბადება ვერ განსჯვრიტეს. თვით ილია ჭავჭავაძე პარტიულ მეცნიერთა და ლიტერატურის მკოდნეთათვის, ფილიპე მახარაძის დაძმთა მისთა თანამებრძოლი იქნებოდა 15 წელიწადი კიდევ რომ ეცოცხლა.

მაგრამ ესეც არ იკმარეს, თვით სულმნათ შოთასაც კი მიწვდენ და ქართული პოეზიის ფუძემდებელი, ქართული ენის ძალადი კანონმდებელი და მისი ფილოსოფიური შეგონებანი კომუნისმის პროპაგანდის სამსახურში ჩააყენეს. და გაიმართა ნამდვილი მარულა—თუ ვინ უფრო მეტი სიღრმით და სინატიფით დაამტკიცებდა—, რომ რუსთაველის იდეები... თავისი პროგრესიულობით «დიად საბჭოთა ეპოქას ენმაურება». აქვე გულაბდილად უნდა განეაცხადოთ, რომ ამ შეჯობრებაში პირველობა აკადემიკოს გიორგი ჯიბლაძეს ერგო.

გასული წლის ქურნალ «კომუნისტის» მეშვიდე ნომერში მოთავსებულა პატივემულ აკადემიკოსის წერილი:—«რუსთაველი და თანამედროვეობა». ამ წერილს არ აკლია წყობა და კომპოზიცია, სიბრძნე და ლოლიკა, ვეფხისტყაოსნის ცოდნა, აკადემიური სტილი. მიუხედავად ამისა, «რუსთაველი და თანამედროვეობა» ღარიბულ და საცოდავ შობებურღლებას ტოვებს თავისი იაფ-ფასიანი პროპაგანდიტული იერით. ავტორი წერს:

«არც ერთი საუკუნე ისე ახლოს არ მდგარა პოეტის შემოქმედებასთან, როგორც ჩვენი ეპოქა, რომელმაც «ვეფხისტყაოსნის» უზადო მხატვრული ოსტატობა, პროგრესიული მსოფლმხედველობის ჩათვლით, ორგანიულად მოიარგო თავისი დიდების მბრებზე. წარსულის კულტურიდან ყოველივე საუკეთესოს ღირსეულმა მემკვიდრემ და განვითარებულმა—კომუნისმის ეპოქამ ნამდვილად შეისისხლ ლორცა რუსთაველის გენია. რუსთაველი გვევლინება ჩვენს მებრძოლ თანამედროვეთ. ადამიანი გმირულად უნდა იტანდეს მოზღვავეზღულ უბედურებას და რუსთაველის ეს აზრი ამჟამადაც გმირობისაკენ უზნობს ქართველი ერის სამაგალითო შვილებს. რუსთაველის გმირებს ყოველთვის გამოარჩევთ მოვალეობის უმაღლესი შეგნებით. ეს დიდი ღირსება «ვეფხისტყაოსნის» გმირებისა ჩვენი თანამედროვეობისათვის სავსებით გასაგე.

ბით გასაგებია, მისაღები და შთამაგონებელი. ადამიანურობისა და ადამიანის პიროვნების ღირსების დაცვა განფენილია მთელს პოემაში, როგორც ერთ-ერთი ძირითადი იდეური, მაგისტრალური ხაზი. რუსთაველისათვის ადამიანის პიროვნება იმდენად დიდი ფენომენია, რომ იგი განწირულად არ მიაჩნია. განწირული შეიძლება მხოლოდ უმნიშვნელო იყოს, ხოლო დიდი და ღირებული ყოველთვის უკვდავია».

ბ-ნი აკადემიკოსი იკამდეც მიდის, რომ შოთა საბჭოთა კუმანიზმის მედაფეთ გამოყავს. მაგრამ ყველაზე უმთავრესია და სუპერსენსაციური, როდესაც აკადემიკოსი ჯიბილად ეცხადებს:

«იმდენად საესეა მოწინავე ზოგადკაცობრიული აზრებით «ვეფხისტყაოსანი», რომ ზოგიერთ მკვლევარს შეუძლებლად მიაჩნდა რუსთაველი მე-12 საუკუნის მოღვაწედ გამოცხადებინა. მაგრამ ისინი ცდებოდნენ, როდესაც არ ითვალისწინებდნენ, რომ საქმე ჰქონდათ ისეთ გენიოსთან, რომელსაც საუკუნეების განპყრეტა შეუძლია».

ვის რაში ესაჭიროება ასეთი «გაპრანჭული», გაზვიადებული შეხედულება შოთა რუსთაველზე? რა საშინლად უგემურია და მოსაწყენი ამდენი გაცვეთილი «ნებების», გადამღერებული ფრაზების და სიტყვების ღვართქაფი? ნუ თუ კარგი და ღამაზი სამოსელი ათასგვარი სიცრუისა და სიყალბის თავშესაფარად უნდა გავხადოთ? პირსა და ეშმაკს წაუღია ყოველგვარი მაღალკვალიფიციურობის ეპიტეტი «საუკუნეების განპყრეტაზე», რომელსაც გადამლაშებამდე და ყოველად ნეგატიურ დასკვნებამდე მიყვავართ. ხელოვნების და ლიტერატურის ისტორიის კარგ მკოდნეს—აკადემიკოსს ჯიბილად უნდა მოეხსენებოდეს, რომ არცერთ დროსა და არც ერთ ერში, არც წრეგადასულ ქება დიდებასაუშენებია და არც ჰკუანაღრბობ «მოაზროვნეთ» ქირღვას და ლანძღვა-გინებას დაუქცევია გინმე. ნუ თუ ქართველ აკადემიკოსს შეშვენის რუსთაველის გმირებასა და ეგრე-წოდებულ საბჭოთა გმირებს შორის რაიმე ანალოგიის გატარება? რა არის ეს? მკდარ შეხედულებათა ნაბარტყევი, თუ საბჭოთა რეჟიმის პატარ-პატარა კერპების აპოლოგია? ორდენები და მენდლები კომუნისტურ სამოთხეში ტონობით მზადდება, ორდენით დაჯილდოებულთა სურათებით აურელებულია გაზეთები. მით ცალკე ეგზავნებათ «გრამოტა» «საბჭოთა გმირის» დასახელებით, რაც რუსული «გეროის» მონური მიბაძვია. ქართულად გმირს სულ სხვა მნიშვნელობა აქვს: გმირია ტარიელი, ავთანდილი, . . . თამბაქოს და ბოსტნის, საქონლის თავლის გმირიც? ეს ხომ სათვალმაცო კომედიია—ხალხის ვაცივნაა და აბუჩად აგდება.

«ადამიანურობის დაცვა განფენილია მთელს პოემაში, რომ რუსთაველისათვის ადამიანის პიროვნება დიდი ფენო-

მენია». მოგვითხრობს ბ-ნი აკადემიკოსი და დაასკვნის: «განა ჩვენც ასევე არ ვფიქრობთ? განა ჩვენ რუსთაველთან ერთად ჭეშმარიტად არ მიგვაჩნია მისი ეს ბრძნული შეხედულება?» დიხაბც არ მიგაჩნიათ და ტყუილად ეპოტინებით ჩვენს სახელოვან წინაპარს. კომუნისტურ სახელმწიფოში თანდათან გადის ხმარებიდან მოქალაქე, პიროვნება და მათ ადგილს «საბჭოთა ადამიანი»-ს ცნება იკავებს. ეს არის ადამიანი, სახელმწიფოებრივ მანქანის ნაწილად გადაქცეული—ყოველი ცოცხალი არის საპირობებს თავისუფლების ერთგვარ «რაოდენობას». ხოლო ადამიანური ცხოვრება ხომ გაცილებით მეტს თავისუფლებას მოითხოვს, ვიდრე პირუტყვისა და მცენარის. საბჭოთა მანქანაში მომწყვედვული ეს ცოცხალი ხრახნები მოკლებული არიან ამ ადამიანურ ცხოვრებისათვის აუცილებელ მინიმალურ თავისუფლებასაც კი. არ არსებობს ცხოვრების არც ერთი კუნძული, სადაც ეს ხრახნი თავისუფლად გრძნობდეს თავს. მას მარად სხვები ატრიალებენ, სხვები ამოძრავებენ.

ხალხთა და პიროვნებათა თავისუფლება ასე გარისხული და პატივყარილი არასოდეს არ ხილულა ისტორიაში, როგორც ეს საბჭოთა კავშირშია. მაგრამ ამ საბრალო ხრახნების—სრული უფლებააყრილობითაც არ კმაყოფილ დება აკადემიკოსი ჯიბლაძე და რუსთაველის აფორიზმით მიმართავს მათ: «წესი არის მამაცისა მოპირებება, პირთა თმენა» ო. აკადემიკოსი ასე განმარტავს ამ აფორიზმს: «რუსთაველი ამ ბრძნულ აფორიზმში ადეკვატურათ ვლინდება ივერიის გმირული შემართება უხსოვარ დროდან ჩვენს დღევამდე და მძლავრად უტოკებს გულს ქართველ კაცს თავდადების და მსხვერპლის გაღებისთვის»-ო. გასაგებ ენაზე ეს ნიშნავს, რომ ქართველი ზვარაკათ უნდა შეეწიროს და თავისი პირადი ცხოვრება მსხვერპლათ უნდა მიუტანოს უსაზღვროდ შორეულს, არ არსებულს, უცნობ რაღაცას, რომელიც ამ მსხვერპლის ღირსი შეიძლება არც იყოს. უკანასკნელი 46 წლის განმავლობაში საქართველოში მრავალ უკუღმართობას ჰქონდა ადგილი, მაგრამ ის კორიანტილი და ქარ-ბუქი, რომელიც საბჭოთა საქართველოს მესვეურებმა დააყენეს შოთა რუსთაველის დაბადებიდან 800 წლისთავთან დაკავშირებით მისთვის უცნობი ხილია, თანაც ეს ხილი ცუდი და უგემური და მის დამწიფებას და გაერცვლებას არ უნდა შეუწყობთ ხელი. შევიბრალოთ სულმნათი შოთა, ყველაფერს რომ თავი დაეანებოთ ამას გვავალოვ ს მისი პატივისცემა.

ხომ ოსტატურად შეკრიბა, გასხლა და შევალამაზა აკადემიკოსმა გიორგი ჯიბლაძემ საბჭოთა აბურდული ცხოვრება «ვეფხისტყაოსნის» ზოგადკაცობრიული იდეებით, ხომ ის ასე მოჩიბლულია შოთას აფორისტული მეტყველებით, მიუხედავთ ამისა თანამედროვე საქართველოში შეუძლებელია

დღის სინათლე იხილავს ნაწარმოებმა, რომელშიც მიმოფენილი იქნება შოთას მარადიული იდეები, მის ავტორს ბრალდებულის სკამზე დასვამდენ და აქედან დაიწყებოდა ტრალი-კომედია....

— თემა მიუღებელია: პოემაში ნაკლებად გყავთ მოხსეხული პარტია და ხალხი.

— დაშახინჯებულია პარტიის ბელადის როლი.

— თქვენ ბრძანებთ: «თუ თავი შენი შენ გახლავს ღარიბად არ იხსენებნი».

— ეს პარტიის პრეროგატივებში შეჭრაა, რა საჭიროა საკუთარი აზრის ქონება—ეს ხომ ზედმეტი ტვირთია. ბრძენი და საყვარელი პარტია ზრუნავს «გაანთავისუფლოს» ადამიანი ამ მძიმე ტვირთისაგან.

— თქვენ ბრძანებთ: «თხა და მგელი ერთად ძოვდეს».— ეს ხომ ყოვლად მიუღებელია, კლასთა სოლიდარობის თეორიაა—თეორია კლასთა ბრძოლის უარყოფისა?

თქვენ ბრძანებთ:—«იგი მიენდოს სოფელსა ვინცა თავისა მტერია»,—ეს ინდივიდუალიზმია, პირწავარდნილი ნიციუანიზმი—თამამ, შეუღრტეკელ, უყიყმანო და ყოველგვარ საშუალებით მიხნის მიმღწევ პიროვნებათა ხოტბის შესხმა. ასეთი ნაწარმოებით შორს ვერ წაეალთ! ვერ აკმაყოფილებს სოციალისტური სახელმწიფოს მოთხოვნილებას! მთავრობამ ტკბილი და საამური ცხოვრება შეგიქმნათ, თქვენ კი დაუღალავი შრომით უნდა დააფასოთ და სხე...

სპეციალურად მოსკოვიდან მოვლინებული პროკურორის სიტყვა დამსწრეთ მალამოდ მოედგბოდა. პროკურორი «დაამტკიცებდა», რომ ყოველგვარი უბედურება, რაც ხალხს დაატყდა თავს! სილატაკე, შიმშილი და სიკვდილი, სულ ამ კალმოსნების ბრალია; ესენია კომუნისტების გაშლილ მშენებლობას ხელს რომ უშლიან. ასე დაასრულებდა პროკურორი თავის სიტყვას, რასაც მქუხარე ტაშის ოვაციებში გადასვლა მოყვებოდა. ასეთია სინამდვილე, ხოლო რასაც ბ-ნი აკადემი კოსი მოგვითხრობს, ის «ანეგდოტებზე» აგებული უგემური ფალსიფიკაციაა, რომელიც გაუგონარად აყალბებს და ჩრდილს აყენებს «ვეფხისტყაოსანს».

დიახ, «ვეფხისტყაოსანი» გულს უტოკებს ქართველ კაცს, დიახ ის ეზმაურება მსოფლიო ლიტერატურის კორიფეებს და არა საბჭოთა რეჟიმის. დიახ, ქართველს ხიბლავს «ვეფხისტყაოსნის» აფორისტული მეტყველების დაწურული სიბრძნე, ამ მეტყველების სიღბო და სიმტკიცე, ხიბლავს «ვეფხისტყაოსნის» ხალისიანი რწმენა ჯანმგარი ქართველი ერისადმი. ის მას ამშვენებს, აღელვებს, ასწავლის, აოცებს, არიგებს და აზავებს ბუნებასთან და საწუთროს უცნაურობასთან.

თაობები წავიდნენ, სხვადასხვა იყო დროის მანძილზე გაშლილი კულტურული დონე და გემოვნებათა სიფაქიზე, მაგ-

რამ მიუხედავად ამ ცვალებადობისა მარად და დამოუკიდებლად დარჩა «ვეფხისტყაოსანის» სიმშვენიერე, ჭეშმარიტება და სიკეთე, რომელიც საქართველოს ამპარტავეან ცადატყორცნილ მათა კირჩხიბებიდან გადმომდგარი მზრუნველობს და დარაჯობს ქართულ სულს და უდიდეს სიბრძნეს უმარტივესი სიტყვებით ამცნობს და ანიშნებს ჩვენს სამშობლოს შვილთ: გლეხია ის თუ მუშა, მწერალია ის თუ მეცნიერი.

შალვა გალანდიაძე.

რუსულ-ჩინური ბაკჰანალია

როგორც მოსალოდნელი იყო, უკვე დადგა ის დრო, როდესაც კომუნისტური ოჯახები და სამფლობელოები იმ ზომამდე აღმოჩნდა მოშლილი, რომ ძალი პატრონს ვეღარა სცნობს. გაპქრა «კაჟივით გამძლე და უმაგალითო სოლიდარობა» და ერთი მეორისათვის თავდადება, რომლითაც ყურები გაუჭედეს, თვალები დაუბნელეს და შეხების გრძობანი მოუჩლუნგეს მთელს კაცობრიობას და საკუთარ თავებსაც არუს კომუნისტებმა. სიმფონიური ნოტები უცბად კაჟფონიებში გადაგვარდა.

მთელი მათი იდეური და ჰუმანიური საქმიანობა ცარიელი ტრახანი, სიცრუე, სიყალბე და ბლეფი გამოდგა. გაპირებისა და მძიმე კრიზისების პერიოდებში გვერდით ამოდგომისა და ერთის ფრონტით მტრის წინაშე წარდგომის ნაცვლად, კომუნისტები ერთი მეორეს დაერივნენ. პირველი წიხლი ერთმანეთს წაჰკრეს და შეუდგნენ მდგომარეობის საკუთარი ნაციონალური მიზნებისათვის გამოყენებას.

ასეთი ვითარება მეორე მსოფლიო ომის დასრულებისთანავე დამკვიდრდა კომუნისტურ სამყაროებში. რუსეთმა პირველმა მისცა მაგალითი და ზურგი უქცია საერთაშორისო პროლეტარიატსაც და სოციალისტურ ერთსულეობას და მთლიან ფრონტსაც. საკუთარი იმპერიის გაძლიერებისა და ყველას კისერზე წამოჯდომის მიზნით, მან «საკუთარი» შინაური რესპუბლიკების კომუნისტური კადრების უმოწყალო გახრესის შემდეგ, ჯერ ტიტო აცვა ჯგარს და შემდეგ ჩინეთ-ალბანეთზე გაიწია, მაგრამ, ვინაიდან სატელიტებმა თავი წამოჰყვეს, სისხლიც ბლომად გაიღეს და ოპოზიციური განწყობილება ამხილეს, რუსული კომუნისმი იძულებული გახდა გეზი შეეცვალა და ჩინური ყვითელი საფრთხის საბუთად მოყვანით მორიგებოდა აჯანყებულ ვასალებს.

როგორც კი პორიწონტზე გამოჩნდა ნიშნები ჩინეთის რევოლუციის გამარჯვებისა, რუსეთმა მყისვე შეაჩერა სამხედრო, ფინანსიურ-ეკონომიური, ინდუსტრიული და პოლიტიკურ-იდეოლოგიური დახმარება ჩინეთისაც და სატელი-

ტებისაც. ჩინეთიდან მან უკან გაიწვია ათასობით იქ მივლი-
ნებული ინსტრუქტორები, სპეცები და დასტოვა მხოლოდ
ის ელემენტები, რომელთა ერთად ერთი ამოცანა იყო დი-
ვერსია, შპიონაჟ-კონტრ-შპიონაჟის ორგანიზაციების მოწ-
ყობა და სიგარტ-სიგანიტ ჩინეთში მიმოფანტვა.

ამავე დროს მათ საგრძნობლად შეამსუბუქეს სატელი-
ტური მუხრუჭი, დაიწყეს ევროპა-ამერიკასთან მშვიდობიან
თანაარსებობაზე ლაყბობა, განსაკუთრებით მას შემდეგ, რო-
დესაც კუბაში და ჰავანაში სასტიკი დამარცხება იგემეს. სა-
დღაც გაჰქრა ცივი ომიც და მისი ადგილი სამეზობლო კონ-
ტაქტის დასაქვრად დაიკავა დასავლეთთან ლიბერალურმა
პოზიციებმა.

დაბეჯითებით ვერ ითქმის, მიალწიეს მათ ამ მიზანს თუ
არა. რადგან თვით დასავლეთიც დაიბნა და ვერ ერკვევა, არის
ეს დროს მოსაგები მანევრი თუ ჭეშმარიტი წადილი თანამ-
შრომლობისა?

სამაგიეროდ, ვინც იგემა რუსული სუსხი და ტრადიციონა-
ლური მაკიაველიზმი და იყნოსა რუსული იუსტების მყრალი
სუნი, ე. ი. მისმა ახლო მეზობლებმა ან მასში მოყოლილმა
დამონებულმა ერებმა და სახელმწიფოებმა, მისთვის ნათე-
ლია, რომ ის, რაც დღეს საბჭოთა ოჯახში ხდება, არის არა
მარტო სისუსტის ილუსტრაცია, არამედ სულმოსათქმელი
პოზის აღება იმ მომენტამდე, სანამ მას ჩინური საფრთხეც
ასცდებოდეს და ამავე დროს რამოდენიმე ფრონტებზე ბრძო-
ლის წარმოება.

აიციდნენ კი რუსები ამ საფრთხეს? არამგონია, რადგან
ჩინეთს შიშშილით სული ძვრება და 750 მილიონი მოსახლე-
ობის გამოკვება არ მოხერხდება არც ინდოეთის დაპყრობით,
არც მთელი შორეული აღმოსავლეთის ხაკუთარ ორბიტაში
მოქცევით და მით უფრო წყნარ ოკეანეში შესვლით. პრობ-
ლემა პრობლემად რჩება იმ ხანამდე, სანამ მონღოლური რა-
საკვლავ ციმბირის თვალუწვდენელ და დაუმუშავებელ მი-
წების მფლობელობაში არ შევა.

ამ რასის მთავარი და ღირებული ელემენტი დღესდღეო-
ბით ჩინეთია და ვერაგინ იტყვის გადაპრით, რომ კომუნის-
ტური რეჟიმის და მარქსიზმის რეალური და ჭეშმარიტი ბე-
ლადი რუსეთია და არა ჩინეთი.

მარქსიზმი და კომუნიზმი ხომ ერთისა და მეორესთვისაც
ის სტრატეგიული იარაღია, რომლითაც მთელ ქვეყანას თვა-
ლები უნდა აეხვიოს.

კომუნიზმი თუ მაგარი ხელსაწყო აღმოჩნდა რუსული იმ-
პერიის აღსადგენად, რატომ ცუდი უნდა იყოს ის ჩინური სა-
იმპერიო პრეტენზიებისა და ამბიციების გასანადგებლად?
საქმე მხოლოდ ის არის, რომ რაც მოხერხდა 1917 წელს, შე-
საძლებელია თუ არა მეოცე საუკუნის დასასრულს?

ჯერ ჯერობით კი ერთი რამ არის ნათელი: საერთაშორისო კომუნისმისა და სოციალიზმის მონაპოლია და ბელადობა რუსეთს უკვე ხელიდან გაუსხლტა და ჩინეთი სასტიკ კონკურენტად წამოეყუდა მას თვალწინ.

მთელი მსოფლიო კომუნისში ორ (თუ მეტიც არა) ბანაკად გაიყო. ის ან არის ჩინოფილური, ან რუსოფილური, ან კიდევ სასოწარკვეთილებაში ჩაგარდნით იმდენად ნეიტრალური, რომ თავს აღარ იჩენს და წმინდა ნაციონალურ პლათფორმაზე გადასვლით ცდილობს თავი გადაიჩინოს.

ადრე თუ გვიან, ამა თუ იმ სახით, ეს უნდა მომხდარიყო და ლოლიკის კანონის ძალით, საკითხი ადვილად არ გადაიჭრება. ვიდრე შორეულ-აღმოსავლეთს სისხლის ნიაღვრები არ დაედინება. ეს მით უფრო მოსალოდნელია, რომ ჩინურ-რუსულ საზღვრებზე არც ისეთი სიწყნარეა დამყარებული, როგორც ბევრს ეჩვენება.

ჩინეთის საგარეო საქმეთა მინისტრის თქმით, 1960—1965 წლ. მანძილზე რუსეთმა ხუთი ათასზედ მეტი ინციდენტი წარმოშვა რუსულ-ჩინურ საზღვრებზე, ხოლო რუსული ოფიციალური წყაროების მიხედვით, მარტოოდენ 1962 წლის განმავლობაში ჩინეთმა ხუთათასზე მეტჯერ შელახა საბჭოთა ტერიტორია, ჩინეთს რომ 10 400 კილომეტრზე ესაზღვრება.

სხვა ზომებთან ერთად (საზღვაო, საჰაერო, ატომური ბანების გაშენებით ხაბაროვსკში, ოხოტსკში, პრიმორიეში და ჩინეთთან ახლო მდებარე პუნქტებში) რუსებმა მარტო გერმანიიდან გადაიყვანა ჩინეთისაკენ ექვსი ჯაფშოსანი დივიზია და თვით საბჭოებიდან მიაყენა ჩინეთს 17 ქვეითი დივიზია. პატარა სოფელი ნახბოლკაკი, სადაც 3 წლის წინეთ ოთხასი მცხოვრები იყო, ამჟამად ოთხმოცდაათათასს (90 000) მცხოვრებს ითვლის, რომელთა მთავარი კონტინგენტი (60.000 სული) პოლიტიკურ ტყვეებს შეიცავს. ამას ზედ ერთვის რამოდენიმე ათასი მძიმე თუ მსუბუქი ყუმბარამფრქვეველი, ორასამდე წყალქვეშა გემი და უცვლელად იქ მყოფი ასათიათასი (110.000) საზღვრის მეთვალყურე მხედარი.

რა თქმა უნდა ყველა ესენი ულტრა-მოადერნულის მასალით არის შეიარაღებული და ყოველ წუთში მზად მყოფი როგორც თავდასაცავად, ისე იერიშზე გადასასვლელად. ამის რეალურად დაწყებას ხელს უშლის ის გარემოება, რომ საერთაშორისო კომუნისმის არა რუსული სექტორი ჯერ დასტურს არ იძლევა და მაღალ საფეხურზე ყრილობასაც კი გაუარბის და დასავლეთი ძარღვ-დაჭიმულია და რუსებს ისინი ვერ დაურწმუნებია, რომ ევროპა-ამერიკას მისგან სადრთხე არ მოელის. ხელ-გულ დაკრფილი არც ჩინეთია, მასაც დიდძალი სამხედრო ეფექტივი ჰყავს დაგროვილი მდინარე ამურის (18 დივიზია) და გარეშე მოწოდების (6 დივიზია) მოსაზღვრე ტერიტორიებზე.

მდგომარეობას ამკამად მეტად ართულებს ის გარემოება, რომ დასავლეთში არ იცის თუ რა ხდება ჩინეთში. არის მისი კულტურული რევოლუცია პირწმინდა ანარქია და ახალი თაობის გაბრწყნება, თუ საერთაშორისო პოლიტიკური საქმიანობის დაბანგვის ცდები?

ნორმალურ ვაჭაში და ნორმალურ ხალხთან რომ გვექნდეს საქმე, რუსულ-ჩინური სამკვდრო-სასიცოცხლო ომი დიდი ხნის დაწყებული უნდა იყოს და არა კედლებისა და პრესა-რადიოს უშვერი ლანძღვა-გინებით ამოვსებით, ეს მოვლენა არაერთად ნასახს არ ატარებს დიპლომატიური თამაშისას, ხოლო Casus belli-ს ნიშანდობლივი ელემენტებით კი აღსავსეა. ჩვენ ვფიქრობთ, რომ ერთგვარად რუსეთიც მართალია და ჩინეთიც, როდესაც ერთი მეორეს სწამებენ იმპერიალისტურ განზრახვებს.

ლენინის პრაგმატიზმი, რომ ჩინეთის საშუალებით რუსული ბოლშევიკური მხედრული უნარიანობა გაიზრდება და სხვა ქვეყნებს მოინადირებს, არ გამართლდა. მისი «რიჩიკიტაი» რუსებისავე წინააღმდეგ შეტრიალდა, რუსული პოზიციებაც შეასუსტა მსოფლიო დიპლომატიისში.

რასისტული და ქსენოფობური იერიშები, ჩინეთი რომ აწარმოებს თეთრების მიმართ, უდაოდ ფასს სდებს მე-XIX საუკუნის მკვლევართა მიერ გამოქვეყნებულ შრომებს ყვეთელი საფრთხის შესახებ. მაგრამ რამდენადაც მათ იაკონიის დამუნჯება მოახერხეს, იმდენად, რუსული გავლენით, ჩინეთს საუკუნოებით დაკეტილი ყბაც გაუხსნეს და საერთაშორისო ურთიერთობაში ახალ მძლავრ ელემენტად შეიყვანეს. ეინ დაიფიცებს, რომ რუსეთი მოინანიებს ამ მდგომარეობას და ჩინური აგრესიის დროს განათლებული და თავისუფალი დასავლეთის და არა ჩინეთის გვერდით დადგება!

საგულისხმო მხოლოდ ის არის რომ ჩინეთის აგრესიის პირველი სიმწვავე სწორედ რუსულმა ტერიტორიებმა უნდა განიცადონ, რომ მონღოლია და ციმბირის აღმოსავლეთი ხიდის თავად გაიჩინონ.

ყველა აღნიშნული გაურკვევლობანი დასავლეთს გზას უბნებს და საშუალებას ართმევს ერთი და მტკიცე პოლიტიკა გაატაროს. ის ფაქტი, რომ მათ იყაბულეს რუსულ-ჩინური კონცეპცია ჯერ კორეისა და შემდეგ ვიეტ-ნამის ორად გავლენის მე-38 და მე-17 პარალელის დაწესებით და ამ ქვეყნების სამხრეთი ნაწილების რუსულ-ამერიკული იარაღის საცად და საჯირითო მოედნად გადაქცევა, მხოლოდ ნაწილობრივ აშუქებს პრობლემას. რუსები თუ სისხლს არ იღებენ და იარაღის ცდა-შინჯვით კმაცოფილდებიან, ამერიკა ასიათასობით დაჭრილ, დახოცილ მხედრებს ითვლის.

ნუ დავივიწყებთ, რომ ასეთი ტაქტიკით და იმ ხანად პირველ ხარისხიდან მძლავრი ევროპის ხმამაღულეზლად და

უპროტესტოთ მოიგდო ხელში მონარქიულმა რუსეთმა ურალს იქით მდებარე უზარმაზარი ციმბირი და ევროპის ხალხები კი ძალის ძვალეობით დამწყვდილი და აფორიაქებული ჩინეთის ხელში შეტოვებით დააკმაყოფილა. სამაგიეროთ ბოლშევიკურმა რუსეთმა იმავე ევროპა-ამერიკის, ეწლა უკვე დახმარებითა და იარაღით, გამოსაწორა რუსეთ-იაპონიის ომის შედეგად მიღებული სამარცხვინო და დამამცირებელი ზავი და არც როკლესტეკსკის ფლოტის წყნარ ოკეანეში ჩაძირვა და არც მთავარ სარდლის ლენ. კუროპატკინის ქუდების ისტორია აღარ განიცადა*).

ამერიკის მიერ უკვე დამარცხებულ იაპონიას შეუტია და ტერიტორიალურად ისედაც შევიწროებულ ტრადიციულ პირობებში მყოფ ხალხს კიდევ მრავალი მიწები ჩამოსჭრა და მიისაკუთრა.

ნუ თუ უნდა ვიფიქროთ, რომ იაპონიის რევანშს დღეს ჩინეთი ითავეებს? დასტურით ძნელია ამის თქმა, მაგრამ გასაოცარი არ იქნება, რომ ესეც მოხდეს, რადგან ვინმემ ხომ უნდა გადაიხადოს პიროშიმისა და ნავასაკის ვალი?

ი. ხ—ლი.

კომუნისტური ბლოკის აღშენება

საბჭოთა-კავშირის და ჩინეთის კონფლიქტი აჩქარებს საერთაშორისო კომუნიზმის მოძრაობის დაწლას და ურთიერთ განცალკევებას. იმის გამოცნობა, თუ რა შედეგი მოყვება, მათ გამთიშველ ბრძოლას, მსოფლიო ძალთა განწყობა-განლაგებაში ადვილი გასათვალისწინებელია. ორიკოლსი, ორთავე კომუნიზმის მოძღვრების, ორთოდოქსური იდეოლოგიის მიმჩემებელი, ერთმანეთს გააფთრებული დაუპირდაპირდა, მსგავსად იმპერიალისტური სახელმწიფოებისა. ორთავენი ვრცელი ტერიტორიების მფლობელები, უამრავ ერების დამპყრობელები და მათი ეროვნულ თავისუფლების მიმტაცებელები. როგორი უნდა იყვეს ჩაგრულ ერთა პოზიცია, ამ ორთავე მჩაგვრელთა მიმართ? ვის მხარეზე უნდა დადგენ, რომ მონობისაგან თავი დაიხსნან? ამაზე პასუხის გაცემა, მოკლედ მათი დავის გაანალიზებას მოითხოვს.

— როგორც ირკვევა, ჩინეთ-საბჭოთა კავშირის დავა მთლიანი—გლობალურია. ეს არ არის მარტო იდეოლოგიური კინკლაობა. ის შეეხება მთლიანად კომუნისტურ სახელმწიფოთა საერთო ორიენტაციას, ნაციონალურ მიზნების სწავა-დასხვაგვარ გაგებას, თვით ტერიტორიულ ურ დასახვრების

*) ნიკოლოზ მეორესადმი მიგზავნილ პატაკით ლენ. კუროპატკინმა დააჯერა რუსეთის მთავრობაც და საკუთარი თავიც, რომ «ეტინ იაპოშეკ შაპკამი ზაკიდაემ» ო.

საკითხებს, თვითულის კონკრეტულ საგარეო და საშინაო პოლიტიკას. ხოლო იდეოლოგიური დავაც, რევოლუციის და სოციალიზმის პრობლემის გარშემო, რაც კავშირის გაწყვეტის შემდეგ უფრო რელიეფურად გამოვლინდა, არც მთლად უმნიშვნელო და ინტერესს მოკლებულია. ამა თუ იმ საკითხებზე პრინციპული განსხვავება და შემართება, სხვადასხვანაირი განმარტება და დასაბუთება ანტირეჟიმური ხლართებითაა მოცემული.

— სოციალისტურ რევოლუციაში სამრეწველო პროლეტარიატის—მუშათა კლასის ხელმძღვანელი როლი ჩინვლების მიერ საცილობელად არის გამხდარი და მარქსის შეხედულებათაგან დაშორებული. თუმცა, ლენინმა, კაპიტალისტური რეჟიმის სალიკვიდაციოდ, ადრევე გლახობა პროლეტარიატს დაუკავშირა ხელისუფლების მოპოების და შენარჩუნების მიზნით, რადგან მას საკმარისად არ მიაჩნდა პროლეტარიატის ძალა გლეხების დაუხმარებლად, ისეთ ჩამორჩენილ გლეხთა მეურნეობის ქვეყანაში, როგორც რუსეთი იყო (სადაც მუშათა კლასის ხვედრითი წონა ძალიან მცირე იყო). მაო-ძე დუნი კარგი მანძილით დაშორდა როგორც მარქსს, ისე ლენინს და მან გლახობას განსაკუთრებული როლი დააკისრა კლასთა ბრძოლის წარმატებით საწარმოებლად. რევოლუციის მოსახდენათ, კომუნისტურ პარტიის დიქტატურის დასამყარებლად, სოციალიზმის განსახორციელებლად. ის ამბობს: საჭიროა, არაკაპიტალისტურმა ქვეყნებმა, სადაც მრეწველობა სუსტად არის განვითარებული და მუშათა კლასი აქტიურ ძალას არ წარმოადგენს, ამ ქვეყნების გლახობამ რევოლუციურ ორგანიზაციებში დარაზმულმა, კაპიტალისტურ ქვეყნებს ალყა შემოარტყან. სიმდიდრე, პრივილეგიები და საწარმოო საშუალებანი ხელიდან გამოსტაცონ, მათი ძლევა-მოსილება დაამხო და შიმშილით ამოხოცონ. ამ კაპიტალისტურ ქვეყნების პროლეტარები მოკლებული კაპიტალისტურ მოგების მცირე სარგებლობას, მატერიალურად შევიწროებული, რევოლუციონერ და სოციალისტურ ფრონტს იოლად შეუერთდებიან.

— ეს სქემა წარმოადგენს რემინისცენციას და მოგავგონებს ლენინის ცნობილ ფორმულას, პესიმისტურ განწყობილებით ნათქვამს, როცა ევროპის მუშათა კლასმა, მის რევოლუციას უარი უთხრა და ზურგი შეუბრუნა. ამის შემდეგ მას დარჩა მეორე გეზი, შორეული და უიმედო, რომელიც კაპიტალიზმის დასამხობად, რევოლუციის პირდაპირი გზა ევროპისაკენ—ბერლინ-პარიზ-ლონდონით კი არ წარიმართებოდა, არამედ აზიიდან შემოვლით—პეკინ-კალკუტის მრუდე გეპიანურებული გზით. მაო ამ კონცეპციამდის საკუთარის, ჩინეთის გამოცდილებით მივიდა, სადაც, როგორც წინათ რუსეთში, მუშათა კლასი მეტად უძლური იყო და მხაროდ



დამატებითი მცირე როლი ითამაშა. უმთავრესად, მან სამოქალაქო ომი გლეხთა პარტიზანული ბრძოლით მოიგო, ე. ი. ხელისუფლება ხელში ჩაიგდო, არა მუშების შემწეობით, არამედ გლეხების დახმარებით. თვით შაოს აღიარებით, მისი წითელი კომუნისტური არმია გლეხებისაგან შესდგებოდა და შიგ, ქარხნის ერთი მუშაც კი არ რევიდა.

— ჩინელებისათვის სწავლითი ტერიტორია წმიდა, თა წმიდაა და ხელშეუხებელი. მათთვის ეს საკითხი—იმპერიის სისუსტის დროს დაკარგულ ტერიტორიების დაბრუნება და შემოერთება, ბრძოლის სამკვდრო-სასიცოცხლო მიზანია. როგორც ცნობილია, ლენინმა სივრცის დათმობა ამჯობინა, რომ დრო მოეგო და რევოლუციონური მონაპოვარი გადაეჩინა. გერმანელების საფრთხის ასაცილებლად, მან 1918 წელს ბრესლიტოვსკში დროებით ზავს ხელი მოაწერა და გერმანელებს ყოფილი რუსეთის იმპერიის საკმაოდ ვრცელი ტერიტორია გადასცა, ე. ი. მთელი უკრაინა, ბალტიის ჩათვლით. თურქეთს კი მიაკუთვნა საქართველოს და სომხეთის მიწა წყლის თითქმის ერთი მესამედი—ბათომ-ყარსის ჩამოცილებით, დაუკითხავად და მათი ნებასურვილის წინააღმდეგ^{*)}. ლენინმა ამ ტერიტორიალურ დათმობებზე ხელი

*) 1966 წელს ამერიკაში გამოქვეყნდა უილიამ ბულიტის (ამერიკის ელჩი მოსკოვში, რევოლუციის დროს) მემუარები პრეზიდენტ ვილსონის შესახებ. მის მოვლენებში მოცემულია პრეზიდენტის ისტორიული როლი მსოფლიოს პოლიტიკაში და ფსიქოლოგიური დახასიათება. ავტორი აქვე იგონებს, რომ მას ლენინმა 1919 წ. განუცხადა, რომ საბჭოთა რუსეთი შემოიფარგლებოდა რუსეთის მხოლოდ ეთნოგრაფიული ტერიტორიით და საბჭოთა ხელისუფლებას არ გააგრძელებდა განაპირა ქვეყნებში. ხოლო ვილსონს ამ განცხადება-წინადადებაზე უარი უთქვამს. არ ჩანს რა მოტივით; შეიძლება იმ ხანებში მას არ უნდოდა ძველი რუსეთის იმპერიის მთლიანობის დაშლა. საერთოდ იმ ეპოქაში მოკავშირეები ვერ ურიცხვდებოდენ და ეძნელებოდათ ეცნოთ ახლად აღმოცენებული დამოუკიდებელ ერთა სახელმწიფოებრივი არსებობა. შემდეგ, მათ ასეთი პოლიტიკა ძალიან ძვირად დაუჯდათ.

იმევე განხეთქებში, სადაც უ. ბულიტის მემუარების ნაწილი დაიბეჭდა, საპასუხოდ დაბეჭდილია ალენ დალესის (CIA-ის ყოფილი შეფი) წერილი (გადმობეჭდილია ფრანგულ გაზეთში), სადაც ამბობს, რომ უ. ბულიტი ვილსონის დაფასებაში ცდება, რადგან იმ ხანად, ის მძიმე ავადმყოფი იყო და სავარაუდო პოლიტიკის წარმოება აქტიურად აღარ შეეძლო. დალესი ლენინის წინადადების გამამო უმატებს: ლენინი წინადადებას იძლეოდა და უნდოდა მისი ხელისუფლების სივრცე

აიღო, როცა საერთაშორისო ძალთა განწყობილება მის სასარგებლოდ შეიცვალა. მაომ სულ სხვა გზა აირჩია, არ დათანხმდა არავითარ კომპრომისს ტაივანის (ფორმოზის) საკითხში და დიდხანს ბრძოლა სწარმოებდა ჩან-კაი-შეკთან მის შემოსაერთებლად, თუმცა უშედეგოდ, მიუხედავად იმისა, რომ ჩან-კაი-შეკთან ბრძოლა მეტად სახიფათო იყო, რადგან მას ამერიკელები იცავდნენ. დათმობა კი საშვალეებს მისცემდა ჩინეთს ინოვაციიდან თავის დახწევისას, საერთაშორისო ორგანიზაციებში თანამშრომლობისა და გაერთიანებულ ერთა ორგანიზაციაში შესვლისას.

— მათ ქედუნის კომუნისტური ჩინეთი კიდევ უფრო შორს მიდის. გაიხსენეს ძველი უთანასწორო ხელშეკრულებანი, დადებული მეფის რუსეთის და ჩინეთის იმპერიის შორის, მოითხოვენ, გამოძალავით მითვისებულ ტერიტორიების დაბრუნებას. ამგვარად, ჩინეთის მესვეურნი ახლანდელ ჩინეთ საბჭოთა-კავშირის სახელგრებს სადაოდ სთვლიან. მართალია, ახლა ამ ტერიტორიაზე, რომელიც საბჭოთა კავშირის ფარგლებშია მოქცეული, წინათ კი ჩინეთის იმპერიის დაპყრობილ პროვინციებს წარმოადგენდა, იქ არც რუსები და არც ჩინელები არ ცხოვრობდნენ, ხოლო რუსები ახლა ესაზღვებიან, ჩინელებს კი უნდათ მომავალში დასაზღვდნენ, ისე რომ, არც ერთი და არც მეორე, ადგილობრივ მკვიდრთ არაფერს ეკითხებიან და მათ მიწა-წყალს სოციალიზმის სახელით, უფრო სწორად. თანახმად კომუნისტური იმპერიალიზმის განვრცობის სურვილისა ევატრონებიან და ისაკუთრებენ, რომ შემდეგ საკოლონიზაციო არე გააფართოონ. აქვე უნდა აღინიშნოს, რომ არც მოსკოვს და არც ჩინეთს, იქაურ ხალხისათვის არასდროს არ შეუთავაზებიათ, მათი ბედი ერთა თვითგამორკვევის უფლებით დაედგინათ, როგორც წინათ ლენინი ამას თვალმაქტურად იცავდა და თითქმის არ უნდოდა ეს ერები ძალად, იარაღით დაემონებიათ. მოსკოვმა და პეკინმა ამ ერების ეროვნული თავისუფლება, გულგრილად ფეხ ქვეშ გასთელეს და მათი ინტერესები თავიანთი იმპერიალისტური ამბიციების სამსხვევრკლოზე მიიტანეს. რატომ ჰგონიათ რომ ეს მათ დაუსჯელათ შერჩებათ? ერთ დღეს ხომ უნდა დადგეს გან-

განესაზღვრა ივანე მრისხანეს საფლომლოთი. ეს იყო დასავლეთისთვის ფრიად ხელსაყრელი წინადადების შეთავაზება. მან კი ასეთი ერთად ერთი შემთხვევა არ გამოიყენა, რამაც შემდეგ კომუნისტებს საშვალეება მისცა თავისუფალი ერები კვლავ დაეპყროთ. იმავე ბულიტის თანახმად, ლენინმა მათ შესთავაზა, ყველა ფრონტზე ზავის ჩამოგდება და თანახმა იყო ეცნო, ყველგან ანტი-კომუნისტური რეჟიმი, ყოფილ რუსეთის იმპერიის ტერიტორიაზე, როგორც დამოუკიდებელი სუვერენული სახელმწიფოები.

კითხვის დღე და სარჩიელი წარდგენილი? საშინელ რისხვას, მსგავსად სხვა ისტორიულ იმპერიებისა, ვერც ისინი ასცდებიან. ახლა, სხვის კუთვნილ ტერიტორიების შენარჩუნების გამო გახშირებული კონფლიქტი, უამრავი სასახლეო ინციდენტები, ჯარების გადასხმა-დაგროვება, სამხედრო დივერსიები, ერთი-მეორეს დაშინება, აშკარად მოწმობენ მათ ზნეობრივი-იდეურ გაკოტრებას; მაშ, სხვაგვარად როგორ უნდა აიხსნას, რომ თვით კომუნისტური სახელმწიფოები, რომელნიც ვითომც სდგანან «პროლეტარულ ინტერნაციონალიზმის და ერთა სოლიდარობის» საფუძველზე, ერთმანეთში ვერ რიგდებიან. არც ერთიანი იდეოლოგიური (მარქსიზ-ლენინიზმი) მოძღვრება საქმაო არ აღმოჩნდა დაეძლიათ «დიდმცრობელ ერთა შოვინიზმი», (ახლა ასეთი ეპიტეტი ამკობენ ერთმანეთს) და ასე უწყალოდ ერთმანეთს აეშალენ.

— საბჭოელებს შეუძლებლად მიაჩნიათ «კატასტროფიულ პერსპექტივის» დაშვება, რაც ჩინელებს თავიანთი პოლიტიკის ბაზად აქვთ მიღებული, უარს ამბობენ. ჩინელების ეკონომიურ და სამხედრო დახმარებაზე, საბჭოთა ხალხების მატერიალურ კეთილდღეობის საზიანოდ. ამის გამო იყო, რომ კომუნისტურ ჩინეთის ხელმძღვანელნი იძულებულნი იყვნენ, ინდუსტრიალიზაციის ტემპი აეჩქარებიათ და ატომურ იარაღების დამზადებაზე ეზრუნათ. განგაზი ასტყდა მრავალმილიონიან მასების დასარაზმავად, დასახულ მიზნების მისაღწევად. დაბოლოს, ამ შეუწყვეტელ განგაშს, ფაცა-ფუცს, ბევრს უშედეგო ცდებს «კულტურული რევოლუცია» მოყვა, რაც ერთგვარად საბჭოთა რუსეთის «სამხედრო კომუნიზმს» მოგვაგონებს, მეტ-ნაკლებად «ჩინურ ფერებით» შეღებილს. მა რაც უმთავრესად გამოინატება დიდი მასების სავართო მობილიზაციაში, ექსცესებსა და ხულიგნობაში, ძველ კულტურულ ღირებულებათა განადგურებაში, გაბურჯებულ კომუნისტების დევნაში, რევიზიონისტების, ე. ი. საბჭოთა კავშირის კომუნისტურ პარტიის ხელმძღვანელთა ფანატიკურ სიძულვილით გმობა-მხილებაში. მეტ-წილად მიზანში «აგრესორ» ამერიკელებია ამოღებული, რადგან ჩინელებისათვის, მოკლე ხანში, მათთან ომი გარდაუალად არის მიჩნეული, ამისთვის საჭიროა მუდამ მზადყოფნა. ომი მიჩნეულია, როგორც უმოკლესი მანძილი, კაპიტალიზმის აღგვის შემდეგ, სოციალიზმში გადასასვლელად. ამ თეზისის ოდნავი ოპოზიცია, წინააღმდეგობის გაწევა, დაეჭვება, მერყეობა სოციალიზმის დალატად არის გამოცხადებული. ამერიკასთან აუცილებელი ომი კი, მაოს აზრით, საყოველთაო რევოლუციის გამარჯვების საწინდარია, რადგან ახალი მსოფლიო ომი, კაპიტალიზმის და მისი მოკავშირის რევიზიონიზმის მოსპობით დასრულდება და ეს რაც უფრო ადრე მოხდება, მით უკეთესია, ყველგან ინტერნაციონალური კომუნიზმის დასამყარებლად.

— აქ საუბრობა აღინიშნავს შაინცის განსხვავებას, რომელიც ვლინდება სტალინის და მასს მოქმედების შორის. თავის დროზე სტალინმა ცოცხალი არმიის და პარტიის დაუზოგველი წმენდა, საიდუმლო პოლიტიკის გამოყენებით. მათქმულმა ც, რომელიც მას ყველაფერში ბრძავს, წინასწარ გაწმენდილ და რეორგანიზებულ არმიასა და წითელ გვარდიან დაყრდნობილმა, უწინარეს ყოვლისა, მძაფრი იერიშები მიიტანა პარტიის კადრებსა და მათ მეთაურებზე, ჯერ-ჯერობით სტალინისებური შკაპრი რეპრესიების გარეშე. წითელ გვარდიასა და პარტიის მუშაველებს შორის ხშირი დაპირისპირება, შეჯახება, რესპუბლიკის პრეზიდენტის და პასუხისმგებელ პირების ქუჩაში გამოთრევა, საჯარო გაკიცხვა-გაბახება, შეურაცყოფა, ადასტურებს, რომ პარტიის ერთი ნაწილი შაინცს, არ იზიარებს მასს პოლიტიკას და მის «კულტურულ რევოლუციის» ბრძოლის მეთოდს და მას ოპოზიციის უდგას.

— სულ სხვანაირია საბჭოთა-კავშირის პოლიტიკა, რომელიც აღარ ეჭვობს ამერიკის «ფეხის ატომურ კბილის» რეალურ ძლიერებაში და მსგავსად ჩინელებისა, ავღები, ამერიკის ატომურ იარაღის ძლიერებას «კარტონის ვედხს» არ ადარებს, და გრძობს და ზუსტად აფასებს ამერიკის სამხედრო საჭურველის და ტექნიკის უპირატესობას და შიშობს კიდევ მასთან საომარ შეშარებას, რომლის საბოლოო შედეგი ქვეყნისა და სოციალიზმისთვის მეტად სავალალო იქნება. ამიტომაც, მოსკოვი «მშვიდობიან თანაარსებობის» პოლიტიკის მომხრეა. ამასთანავე, ქვეშ-ქვეშ, ფარულად სხვებს აქეზებს და ზოგჯერ, არა-პირდაპირი გზით, მატერიალურ და ხმარებასაც უწევს რევოლუციონურ და ყოფილ კოლონიალურ ხალხების ეროვნულ მოძრაობის გაფართოებას. თავს ისე აჩვენებს, თითქოს რევოლუციის ექსპორტის წინააღმდეგია, ამავე დროს აცხადებს, რომ წინააღმდეგია სხვათა შინაურ საქმეებში ჩარევისა, მიუხედავად ამისა, შაინცს ერევა ყველას შინაურ საქმეებში, მსოფლიოზე კალიასავით მოდებულ ფარულ აგენტების მეშვეობით. ამით, ცბიერად, სხვებსაც ურჩევს არ ჩაერიონ სხვა ქვეყნების შინაურ საქმეებში და ნუ გაიტანენ «კონტრ-რევოლუციას» საექსპორტოდ. აქ ალუზია, მორიდებები, დაუსახელებლად, ამერიკის მიმართ არის მიმართული.

— როგორც აქედან ჩანს, მოსკოვში საომარ გუნებაზე არაეინ არის და ურჩევნიათ ამ ქვეყნად ხანგრძლივი მშვიდობიანობა დამყარდეს. მეორე მსოფლიო ომის დროს საბჭოთა-კავშირის ხალხები საშინლად დაინტანჯა და ახლა, მათი მიზანია როგორმე ნიუკლერის ომი თავიდან აიცილონ, ქვეყნის უშიშროება უზრუნველყონ, ხოლო არც სოციალისტური სახელმწიფოს პრესტიჟი დასცენ, ამის-

თვის ამჯობინებენ ამერიკასთან, საიდანაც მათ მუდმივი საფრთხე ელის, ერთგვარი «მოდუს ვივენდი» გამოჩანონ, ე. ი. მისგან დროებით მაინც, მოულოდნელ ხიფათისაგან თავი დაიზღვეონ. ეს მშვიდობიანობა მათ სჭირდებათ, რათა შესაძლებელი გახდეს ნაწილი სამხედრო თავდაცვის კალასალური ზარჯებისა ეკონომიურ სექტორს მიამწველონ, ხალხთა აუცილებელ მოთხოვნილებათა დასაკმაყოფილებლად.

— ასევე, ამერიკაც, სამხრეთ აზიაში, მისდა უნებურად ომში ჩაბმული, ჩინეთ-ვიეტნამის კომუნისმის ექსპანსიის შესაკავებლად, ცდილობს ამყამდ არ დაუპირდაპირდეს საბჭოთა-კავშირს და მასთან კონფლიქტი აღმოაროს. გავლენის სფეროების შემოფარგვლით, მყარი ურთიერთობა დაამყაროს საერთაშორისო ძალთა განწყობილებაში. აქედან, უთქველად შეთანხმება, წინად საღაო საკითხებზე, როგორიც არის, დასავლეთ გერმანიის მიერ ატომურ იარაღების დამზადების უარი, ევროპაში ამერიკის შეიარაღებულ ძალების შემცირება, სხვებზე ნიუკლეარის საპურველის გაუზიარებლობა, შუა ევროპის დენიუკლერიზაცია, გერმანიის განიარაღება და ნეიტრალობა, არც გერმანიის ახლავე გაერთიანება. რა თქმა უნდა, ამერიკა ამაზე არასდროს დათანხმდება, მხოლოდ მისთვის ამ მომენტში, ესოდენ მწვავე საკითხების ფიქსლად გადაპრა ხელსაყრელი არ არის და საბჭოელების ამ მოთხოვნებზე, დროის მოსაგებად, ყურს იყრუებს.

— მიუხედავად ამკარა ოპოზიციის და ინტერესთა წინააღმდეგობისა, საბჭოთა-კავშირსა და ამერიკას შორის, თითქოს ლოიალური დამოკიდებულება დამყარადა, მათი პოლიტიკა ბევრ რამეში ერთმანეთს დაემთხვა, რაც თვალსაჩინოა ოფიციალურ პირთა წარმოთქმულ სიტყვებიდან, დიპლომატიურ შეხვედრებიდან, ზომიერ საგარეო პოლიტიკის წარმოებიდან, რაც უთუოდ მიზნათ ისახავს ომის საშინელების თავიდან აცილებას და ასეთი ძალთა წონასწორობის შეუთანხმებლად დადგენა, გამოწვეულია ომის შიშით, რაც ამ მომენტში, არც ერთი მხრისთვის ხელსაყრელი არ არის.

— ჩინეთის კომუნისტებს მარტო პირის გალება სჭირიათ, დასკენა გამოიტანონ, რომ მოსკოვსა და ვაშინგტონს შორის, რაღაც ფარული შეთანხმება უნდა არსებობდეს, ჩინეთის ზარჯზე და მის საზიანოდ. მსოფლიოს ძალთა ასეთ განაწილების და ამ ფარულ შეთანხმების გამოა, რომ ჩრდ. ვიეტნამს საბჭოთა-კავშირი ასე უხალისოდ და ზანტად ეხმარება, სინამდვილეში, იმავე ჩინელების აზრით, ბევრს არაფერს ეშველელება. სიტყვიერი და მორალური გამხნეება კი ვერ ანაზღაურებს სამხედრო და მატერიალურ დახმარებას. მოჩვენებით თუ საბჭოთა-კავშირი ჩინეთის გაღიზიანებას ერიდება, ხოლო მაინც ცდილობს, სხვების მეშვეობით, ჩრდილოეთ ვიეტნამი,

წინასწარ ომის შეწყვეტით და მორიგებით, ამერიკას დაეზავს. პრესტიჟის დაკარგვის და ჩინელების წინააღმდეგობის მიშით უშუალოდ საბჭოებს არ შეუძლიათ ინიციატივა თვით აიღონ და ვიეტნამიელთა შორის საცილობელი საკითხები მშვიდობიანი საშვალებით და კომპრომისით გადაჭრან.

— მოსკოვ-პეკინის გამწვავებული კონფლიქტები, ორივე მხარის ურთიერთობას ართულებს და საერთაშორისო მდგომარეობის დაძაბულობას ქმნის. ეს გარემოება ამერიკაში ამძაფრებს საზოგადოებრივ აზრს და პრეზიდენტ ჯონსონის ადმინისტრაციის მიმართ, აძლიერებს პოლიტიკური წრეების ოპოზიციას, რომელნიც ჩინეთის წინააღმდეგ ახლავდნენ ომში ჩაბმას მოითხოვენ, სანამ დაგვიანებული არ არის, წინასწარ განადგურდეს ჩინეთის ინდუსტრია, და ჩინელებმა ბომბის გაკეთება ვერ შესძლეს, რადგან ატომური ბომბის ქონება მომავლისათვის ამერიკას დიდ საფრთხეს უშეადგებს. ოპოზიციას არ სჯერა, რომ, საბჭოთა-კავშირი, ჩინეთ-ამერიკის-მოსალოდნელ ომში არ ჩაერევა. მეორეს მხრივ, უნდა ვივარაუდოთ, საბჭოთა-კავშირი არ დაუშვებს, მის თვალწინ ატომური ბომბებით გატიალდეს და პირისაგან მიწისა აღიფხვრას ძველი, ისეც კომუნისტური მოკავშირე სახელმწიფო. მით უფრო, ის ამას არ დაუშვებს, რადგან კომუნისტური ჩინეთის დამარცხება, მის საზიანოდ დაარღვევდა ძალთა განწყობილებას, თანაც ჩან-კაი-შეკის რეჟიმის აღდგენა არა ნაკლები საფრთხე იქნება, ვიდრე მათს ჩინეთი. ამის გამო, მოსკოვის პოლიტიკა მიმართულია იქითკენ, რომ ჩინეთი არაკომპრომატუციანს და მარქს-ლენინიზმის წიაღს დაუბრუნოს. ე. ი. წინანდებურად საბჭოთა-კავშირის საზიანოდ და საგარეო პოლიტიკის ხაზს დაუმორჩილოს. ეს ილუზიების სამყაროს უფრო ეკუთვნის, ვიდრე სანამდვილეს და რეალურ პოლიტიკის სფეროს.

— იდეოლოგიურმა დავამ პოლიტიკური და სტრატეგიული ხასიათი მიიღო, ჩინელებს ცდა არ დაუკლიათ საბჭოელები «მესამე მსოფლიოდან» მოეწყვიტად. კომპეტიცია მკაცრ ფორმებში გაიშალა: დაბრკოლების ჯგებირები აღიშართა, რომ საბჭოთა-კავშირის წარმომადგენლებს, მეორე ბადუნგის სამკონტინენტის ჰავანის (კუბა) ყრილობაზე მონაწილეობა არ მიეღოთ. საბჭოელებმაც ყოველი ღონისძიება იხმარეს ამ ყრილობას დასწრებოდენ და ნაწილობრივად მაინც შესძლეს, პირიქით, ჩინეთის დელეგაციის იზოლაცია მოეხდინათ და მათი ზეგავლენა მინიმუმამდის დაეყვანათ. უნდა ვაღიაროთ, მოსკოველთა ტაქტიკა, გარეგნულად თავდაცვითი, სხვადასხვა ხრიკების გამოყენებით, მთლად უშედეგო არ ყოფილა ამხანად, მოჩვენებით მაინც, ჩინეთის მომხრე კომუნისტები დამოუკიდებელ პოზას ინარჩუნებენ, ხოლო გადაჭრით არც მოსკოვს ემხრობიან. ეკონომიურმა კრიზისმა, მა-



ტერიალურმა უსახსრობამ, მასიურმა პარტიის წმენდამ, ამ ეამდ მიმდინარე «კულტურულმა რევოლუციამ», (რაც ქუჩაში მასების გამოყვანა და ღრიალი შათ რევოლუცია გონიათ), დოქტრინალურმა სიშკაცრემ, ჩინელებს ხელი მოუცარა, სხვებისათვის მისაბაძი და სამაგალითო ყოფილიყვენ. ამან კი, დრავებით მაინც, გზა გადაუღობა მსოფლიოს არენაზე, საერთაშორისო კომუნისტურ მოძრაობაში ხელმძღვანელი როლი ეთამაშა, ამიტომ ჩინეთი ვიწრო რკალში იკუმშება და უკეთეს პირობების მოლოდინში, «კულტურულ რევოლუციის» მასკარადით ერთობა.

— ისიც მართალია, ჩინეთის მომხრე პარტიებმა, მოსკოვთან კავშირი გასწყვიტეს, პატარ-პატარა ფრაქციებად ჩამოყალიბდენ და დაუნდობელ ბრძოლას აწარმოებენ რევიზიონისტურ, ოფიციალურ პარტიასთან, ე. ი. მოსკოვთან, როგორც მარქს-ლენინიზმის, კომუნისტურ იდეების მოღალატეების და გამყიდველების წინააღმდეგ. ახიაში, აფრიკაში და სამხრეთ ამერიკაში საბჭოელები დიდ პრობაგანდას ეწევიან და დიდ თანხებსაც ხარჯავენ ჩინელების გამოთიშველ მუშაობის ჩასაშლელად, მაგრამ წამხდარ საქმეს ეს ვერ შველის. ამ ქვეყნების ახლად შექმნილ სახელმწიფოებში, სადაც ორ ანტაგონისტთა შორის გაშმაგებული კიშპია, ჩინელების დიპლომატიის სიტლანქემ, უხეშად შინაურ საქმეებში ჩარევამ, დამხმარე ტექნიკოსთა მოურიდებლად მაოიზმის ქადაგებამ, მათ ხახელი გაუტეხა და უნდობლობის ატმოსფერო გაამეფა და გაელენის სასწორი საბჭოელებისაკენ გადახარა. ამ მდგომარეობით, ყველაზე უფრო, ისევ ამერიკამ ისარგებლა და სადაც ანტაგონისტებმა ერთმანეთს ხელი შეუშალა თავიანთი გაელენა დაემკვიდრებიათ, იქ ამერიკელებმა ფეხი მოიდგეს და თავის პოლიტიკური, ეკონომიური და კულტურული გაელენა გააფართოეს. ცხადია, ჩინეთის საგარეო პოლიტიკაში და მისმა დიპლომატიამ ყველგან საგრძნობი მარცხი განიცადა. მისი უცხოელი მეგობრების წრე შემცირდა და განისახლერა, ევროპაში მხოლოდ ალბანეთი შერჩა, რუმინელებმა მოსკოვის «მეგობრობიდან» თავი დაიხსნეს და ნეიტრალიზმით კმაყოფილდებიან, პაკისტანი, ჩრდილოეთ კორეია. კამბოჯი და ჩრდილოეთ ვიეტნამი, გეოგრაფიულ მდებარეობით ძალა-უნებურად მომწყვდეული არიან ვრცელი ჩინეთის გარემოცვაში, შტი ღონე არა აქვთ დიდი მეზობლის შიშით წინა-უკმო იქანაონ.

— საბჭოთა-კავშირმა მეტ-ნაკლებად მაინც აღდგინა ძველი მდგომარეობა, მაგრამ მისი უმანდელი პრესტიჟი და გაელენა ძალზე დამცირებულია. მართლაც, კომუნისტური პარტიათა უმრავლესობა, მას სოლიდარობას უცხადებს, ხოლო არც მთლად უპირობოდ. აქაც, ყველაზე მეტად იმ ქვეყნების კომუნისტურმა პარტიებმა იხეირეს, ხელი მოითფეს,

რომელთაც მოსკოვ-პეკინის დავით ისარგებლეს, მათზე მორჩილების მიძიმე უღელი მოიხსნეს და ახალი ნეიტრალიზმის ზღუდეებს ეფარებიან, რომ არბიტრის როლი მოხერხებულად ითამაშონ. სხვანაირად, რუმინეთი ევრასდროს მოსკოვის რკინის სალტეებს თავს ვერ დააწვევდა. ისე რომ, სოციალისტური ბანაკი არ შერყეულიყო და ეს მისთვისაც საბედისწერო არ გამნდარიყო. ასევე, ჩრდილოეთ კორეიაც ვერ გაბედდავდა ჩინეთის ჰეგემონიიდან თავი გაენთავისუფლებინა, ისე რომ, ჩინელ კომუნისტების განრისხება არ გამოეწვია, საბჭოთა-კავშირის და გარე-მონგოლეთის უშუალო მეზობლობამ ჩრდილოეთ კორეიას ეს სარისკო ნაბიჯი ადვილად გადაადგმევინა. მართლაც, რომ დროება ახლილად გამოიცვალა: აბა, სტალინის ეპოქაში. ვინ ახირდებოდა და კრემლს ურჩობას გაუწევდა! ახლა, ევროპის და სხვა ქვეყნების კომუნისტები თამამად და გაბედულად ლაპარაკობენ და ავლენენ შედარებით მეტ თავისუფლებას. იაპონიის, იტალიის და ინგლისის კომუნისტური პარტიები, ევრასდროს შესძლებდნენ, ისეთ აშკარა დამოუკიდებელ პოზიციაზე დადგომას, ამ ორი კომუნისტური სახელმწიფოს ჰეგემონიის შესუსტებას ხელსახებად რომ არ გრძნობდნენ. ჩინეთის კომუნისტების უკან დახევა, უფრო ღრმა მიზეზთა შედეგია, ვიდრე ჩვეულებრივ გონიათ: არა ნაკლებ მნიშვნელობისაა საბჭოთა-კავშირის კომუნისტური პარტიის დაქვეითება და დეკადანსი, მიკრო ნაციონალურ კომუნისტურ პარტიების შემოტევით და ოპოზიციით გამოწვეული, რის გამო იგი გაკვირვებით და ახერხებს პოლიტიკურ და სამხედრო რელატიურ კოპეზიის შენარჩუნებას. ხშირად დათმობის და თავის დამცირების საფასურით.

— პოლიცენტრიზმი, რომელსაც ასე თავგამოდებით მოითხოვდა—იტალის კომუნისტების ლიდერი ტალიატი. ახლა, თითქმის ყველას მიერ გაზიარებულია. ცენტრიდან მსრბოლი ტენდენცია, ამჟამად ყველგან ფართო გასაქანს პოულობს. ჩინეთის მომხრე კომუნისტური პარტიები და ჯგუფები, მათივე ქვეყნის სახელით იწოდებიან და მეტწილად ავტონომიურად მოქმედობენ. საბჭოთა-კავშირის მოძეჩრნი კი—თუმცა არიან «უპირობოთ მორჩილნი» (გარე-მონგოლეთითი, ბულგარეთი, ჩეხოსლოვაკია და სხ.), მეორეს მხრივ არიან «უფრო ნაკლებ მორჩილნი» (პოლონეთი, პუნგრეთი და სხ.), დანარჩენი, ე. ი. უმრავლესობა (რუმინეთი, კუბა, იტალია და სხ.), ნეიტრალურ ბანაკს შეეხიზნენ.

— მოსკოვის ყოველგვარი ცდა, ყველა მათი ერთ ორთოდოქსურ კალაპოტში მომწყვდევინა, ე. ი. მრავალცენტრიანობის მოსპობა, წინანდებურად მოსკოვის ცენტრზე მიჯაჭვა, გადაპრით წინააღმდეგობას აწყდება და მათი გაერთიანება, ჯერ-ჯერობით მინც, უშედეგოდ რჩება. განზრახული გეგმა,

მსოფლიო კომუნისტური პარტიების ქორჟუმის შეკრება, მსოფლიო-დუნის ანტი-ლენინისტური მოქმედების მსჯავრის დასადავებად, ამას წინათ ბულგარეთის და ჰუნგრეთის პარტიულ ყრილობაზე, საბჭოელების შთაგონებით და ზეგავლენით, მიღებული დადგენილებები, გასული წლის პარტიის პლენუმზე, თვით გენერალური მდივნის-ბრეჟნევის კათეგორიული მოთხოვნის მიუხედავად, მსოფლიო კონგრესის მოწვევისა, ჯერ-ჯერობით მაინც, განუხორციელებელი რჩება, იგივე, რუმინეთის, იტალიის და სხ. დელეგაციების გამო. დიდი უმრავლესობა, სამაგიეროდ, უმჯობესად ცნობს, პარტიის ორმხრივ (ცალკე პარტიათა) კონსულტაციებს, ან რეგიონალურ სათათბირო კონფერენციის მოწვევას, რომელთა გადაწყვეტილებას კერძო სარეკომენდაციო, რჩევის ხასიათი ექნება, ე. ი. მათი დადგენილება სავალდებულო არ იქნება. თუ არ ვცდებით, ეს არა-პირდაპირად მაინც, მოსკოვის გაწვილებას უდრის.

— დასკვნა: მსოფლიო კომუნისტური მოძრაობის შემადგენელი პარტიები ერთმანეთს თანდათან ეთიშებიან, მარქს-ლენინიზმის დოქტრინას განსხვავებული პოზიციიდან აშუქებენ, ყველა თავისებურად და თავიანთ სასარგებლოდ; ნებაყოფლობით უბრუნდებიან კოლპერაციის და კავშირის იმ სუსტ ფორმებს, რომელიც ასე დამახასიათებელი იყო წინათ არსებულ ინტერნაციონალების, ე. ი. სხვადასხვა ბრძოლის ტაქტიკის არჩევით და იდეოლოგიური განხეთქილების გზით მიიმართებიან რომ, ლენინ-სტალინის კონცეპცია—ერთი ინტერნაციონალური კომუნისტური პარტია. მკაცრი დისციპლინით შეკრული, მონოლითური, ნაციონალურ სექციებად დაყოფილი, ერთადერთი ცენტრი—მოსკოვის ხელმძღვანელობით და დირექტივებით. იქვე დაბუღრებული კომინტერნი და ამაზე უფრო მალა მდგომი საბჭოთა-კავშირის კომუნისტური პარტია, განსაკუთრებით, მისი ყოვლის შემძლე, ყველას მბრძანებელი, გენერალური მდივანი—სტალინ-ხრუსჩოვ-ბრეჟნევი, თუ სხვა, პოლიტ-ბიუროს ჩათვლით, საბოლოოდ ისტორიის არქივს ჩაბარდა. მისი კვლავ აღდგენა, სტალინის მემკვიდრეთა მიერ, მეტად საეჭვოა.

— ჩვენთვის, იმ ერებისათვის, რომელნიც ძალით მოხვეული კომუნისმის უღელს ქვეშ გმინავენ,—მათი იდეური გახრწნა და განრღვევა, ერთმანეთის ღრნა, დაშლა-დაკუწმაწება,—ხუნდების დამსხვრევის და ეროვნული თავისუფლების მოახლოების საიმედო საწინდირია.

— ჩვენთვის არჩევანი არ არსებობს, არც ერთი მხარე მისაღები არ არის. მხარის დაჭერაზე ლაპარაკიც ზედმეტია. ჩვენ მხოლოდ ვისურვოთ მათი აგონია, რაც შეიძლება ჩქარის პროცესით წარიმართოს და თავის ლოგიკურ დასკვნამდის მივიდეს.

ბ. ჭირაქაძე.

ბიოგრაფიული წიგნის ლექსები

ეს საკმაოდ სქელი წიგნი, ჩვენი პოეტის ნაწარმოებთა თითქმის მთლიან კრებულს წარმოადგენს და თუ საფიქრებელია რომ მისი გამოცემა ავტორისათვის სასიხარულო მოვლენაა, ეს კრებული მკითხველისათვისაც ფრიად სასამო საჩუქარია^{*)}.

ჩვენს დალოცვილ ქვეყანას პოეტები არ აკლია, მაგრამ ქართველებს პოეზია ისე ძლიერ გვიყვარს—ციფიანის კრებულის გამოცემა თუნდ მარტო ლიტერატურული მოვლენაც რომ ყოფილიყო, ჩვენი იგი მაინც გაგვახარებდა. ხოლო ჩემის აზრით, ამ წიგნის საზოგადოებრივი მნიშვნელობა უფრო დიდია ვიდრე ლიტერატურული—რადგან გიორგი ციფიანმა, თავისი ნამდვილწარით, როგორც ქართველი ემიგრაციის პოეტმა, თავისი სახელი ისტორიაში ჩასწერა. და ვერც-ერთი მომავალი მკვლევარი, როდესაც ჩვენი აქაური სულისკვეთების დახატვასა და ახსნას მოინდომებს, ციფიანს გვერდს ვერ აუგლის—მით უფრო, რომ ქართველთა უმეტესობისათვის (ჩვენდა საუბედურათ) ზრახვებია, როგორც გამოცემის ისე გაგებისათვის. პოეზიის ენა უფრო ადვილად სახმარო და მისაწვდომია, ვიდრე სხვა რომელიმე ხერხი გამოთქმისა.

ემიგრაცი ში სხვა ქართველი პოეტებიც გვყავს მაგრამ ვერცერთ მათთაგანს «ქართული ემიგრაციის პოეტი» ვერ დაერქმევა რადგან ისინი, სისტემატიურად არ ბეჭდავენ. მათი ხმა ჩვენამდე კანტიკუნტად აღწევს ან მათი მოტივები უფრო პირიქითაა ვიდრე საზოგადოებრივი. ციფიანის დეკლარაცია კრებული კი ნამდვილი მატიაა ჩვენი აქაური ცხოვრებისა, ჩვენი ჭირისა და ღზინისა, ჩვენი იმედებისა და სასოწარკვეთილებისა, ჩვენი სიყვარულისა და სიძულვილისა, ჩვენი მეტამარფოზისა, ჭაბუკურ ტატიდან ხანდაზმულ სიღინჯემდე. ყოველი ჩვენთაგანი ამ ლექსების კითხვისას, საკუთარ სულიერ განცდათა პარალელებს იპოვნის. აწ უკვე კარგა გრძელი წარსულიდან ვიდრე დღევანდლამდე.

ყოველივე ზემოდ თქმულს მხედველობაში თუ მივიღებთ წიგნის საკუთრივ ლიტერატურული ღირსება ბანალურიც რომ ყოფილიყო, ავტორის საყვედურს მაინც ვერ ვ ტყობით. მაგრამ ამ მხრივაც, ციფიანი, როგორც პოეტი, დამოუკიდებელი ორიგინალური ლიტერატურული მოვლენაა.

წიგნის პირველად წაკითხვისთანავე, ვიდრე მკითხველი ანალიზს შეუდგებოდეს, მას თვალში ერთი უცნაურობა ეცემა: უნაკლო შაირების, შედეგების, გვერდით თქვენ წააწყდ-

*) გიორგი ციფიანი: ლექსები. პარიზი 1965.

ბით დაუმუშავებელ ლექსს, თითქმის ნედლ მასალას. მაგრამ დაეიწყათ თავიდან. ამ ამბავს თავისი ისტორია აქვს რომელშიც ფრიად ცნობილი პირია ჩარეული.

გრიგოლ რობაქიძემ ყიფიანს შენიშნა მისცა: «ხელთვა-ნი «ხელოსანიცაა». ხელოსნობაში გიორგი ყიფიანს კიდევ წვართი სუირდება. მეტი ყურადღება უნდა მიექციოს ნამდვილ გამართვას ქართული სიტყვისა»-ო.

ამის გამო გ. ყიფიანმა დაბეჭდა ლექსი «დიდ ოსტატს» რომელშიაც იგი არა მარტო უპასუხებს გრიგოლ რობაქიძეს არამედ აღსარებასაც ამბობს და თავისი პოეტური სულის გასაღებს იძლევა:

«შაირის სხეულს შალაშინით ვერ ვალამაზებ,
სიტყვის საჭრელად სტრიქონებში ვერ დავდგი დაზგა...
ჩემი ღიმილის მე არ მინდა დავაქცავება,
რომ საღებავით შევაფერო სიტყვა ნათქვამი...
არავის ავნებს სურნელება ველური ბადის,
სად კაცის ხელი ხელოსნობით ვერ შეხებია...
გზები მოღლილი თუ შეჩერდა უძარღვო თქვაში,
გემშვიდობები შაირებში დაერჩები ბავშვი».

კაცს ძალაუნებურად აკაკისა და ვაჟას ცნობილი დიალოგი მოაგონდება: «ენას გიწუნებ ფშაველო» და პასუხი: «ნუ შეგაშინებსთ არ გავნებსთ მთიდან ყვირილი ხარისა». ყველა პროპორციის დაცვით ორ ამბავს შორის დიდი მსგავსებაა. ორთავე შემთხვევაში უკვე სახელმძღვანელო პოეტები, ჯერ კიდევ გზის მკაფავ პოეტებს მიმართავენ, და როგორც აკაკი ზემოღმთიანელ ფრანს რამოდენიმე წლით უფრო გვიან აღარ დასწერდა, ისე რობაქიძეც, უნდა ვიფიქროთ, ყიფიანის შემოქმედებას დღეს რომ აფასებდეს, საქმეს სხვაგვარად განსჯიდა, რადგან დაინახავდა რომ მის მიერ აღნიშნულ ნაკლს შეგნებულად ინარჩუნებს ყიფიანი.

ვინც ყიფიანის ნაწერთა მთლიან კრებულს გაეცნობა, აშკარად დაინახავს რომ თუ პოეტი ამბობს: «ვერ ვალამაზებ» და «ვერ დავდგი დაზგა»-ო, იმიტომ კი არა რომ მას ეს არ შეუძლია, არამედ იმიტომ რომ მას არა ჰსურს მისი «ღიმილის დავაქცავება» და «ნათქვამი სიტყვის საღებავით შეფერვა», ხოლო ჰსურს ფრიად ძნელი და პოეტისათვის ძვირფასი რამ: პოეზიაში ბავშვად დარჩენა. გ. ყიფიანის წიგნში ნამდვილი მიღწევები იმდენად საკმაო რაოდენობითაა წარმოდგენილი, რომ მის პოეტურ სიმალლეში კაცს იჭვი არ შეეპარება; ხოლო რაც «ხელოსნობაში წვარს» შეეხება, თუ ეს ხელოსნობა სისტემატიურად არ არის გამოყენე ული, ამით სხვა, ხელოსნობაზე უფრო იშვიათი და უფრო ძვირფასი თვისება არის გამომქლავებული, რომელსაც პოეზიაში ყოველგვარ «წვართზე» მეტი ფასი აქვს. ეს გახლავთ პირველადი

გრძნობის ხალასად ჩვენების უნარი, რაც პოეტისაგან უდიდეს ვაჟკაცობას მოითხოვს, რომლის გამოჩენაც აბსოლუტურ გულწრფელობის გარეშე ყოვლად შეუძლებელია.

ნიჭით, შრომით, წვართით, ცოდნით კაცი ბევრ რამეს მიწვდება, მაგრამ იშვიათია პოეტს ვაჟკაცობა ჰქონდეს ყოველგვარ ფერუმარულის უმისოდ, შიშველი გულისა და სულის ამარა მკითხველის წინაშე წარსდგეს და სთქვას:

«რაც ღმერთმა მომცა მოკრძალებით მე შენ გთავაზობ.
გავაიაფე პოეზია? არა არასდროს».

ამ წერილს წერტილი აქ ვერ დაესმევა რადგან ისე გამოვავითქოს გრიგოლ რობაქიძე ყიფიანის წინაშე მტყუანი გამოწყადეს. რა თქმა უნდა, ჩემგან დაწუნებით გ. რობაქიძეს არაფერი დააკლდება მაგრამ არც გ. ყიფიანის სახელს მიემატება რამ; რადგან ყიფიანის ნაწერებს კიდევ სხვანიც გააჩრევენ მომავალში და რობაქიძის ავტორიტეტი მეც და ყიფიანსაც ორთავეს გაგვანადგურებს.

ისეთი პოეტი რომელიც ახარის «ხელოვანი ხელოვნებისათვის» არამედ უფრო საზოგადოებრივ მოტივებზე მწერალია, თავისი სტილის არჩევაში პირველზე ნაკლებად თავისუფალია. ამ უკანასკნელს მეტი მოვალეობა აწევს მკითხველთა მიმართ და მისი სახელი და დიდება შესატყვისი სადასურით გამოისყიდების. (ეს ის მდგომარეობაა ფრანგები რომ გრანდოროსა და სერვიტიუდს ეძახიან). გ. ყიფიანი ვალდებული იყო მარტო მოხდენილი პასუხით არ დაკმაყოფილებულიყო და შენიშვნისათვის მეტი ანგარიში გაეწია. ყიფიანის «შეუღებავი სიტყვა», «დაუვაჟკაცებელი ღიმილი» და «ველური ბალის სურნელება» ლამაზია და მისაღებია მხოლოდ გარკვეულ საზღვრამდე. ზომას გადაჭარბებული კი უკვე ნაკლად იქცევა. მართალია ყველას უფლება აქვს საკუთარი გემოვნება ჰქონდეს, მაგრამ ვისაც უმრავლესობის მოწონების დამსახურება ჰსურს, იგი ამ უმრავლესობის გემოვნებასაც უნდა შეეგუოს. სიტყვის უდიდესი ოსტატები ამუშავებდნენ თავიანთ ტექსტს. ზოგ ნაწარმოებს თვითონვე იწუნებდნენ და არ ბეჭდავდნენ. ილიას არქივში ერთ მისგან დაწუნებულ დაუბეჭდავ ლექსს აქვს წარწერა: «რიტორიკა უშვერი». გ. ყიფიანის წიგნში უშვერი არაფერია მაგრამ ზოგი ლექსი, უნდა ითქვას, ადვილად აიტანდა გასწორებას. ხოლო თუ ისეთი აღმოჩნდებოდა რომელიც გასწორებას გაუძლიანდებოდა მისი არდაბეჭდავ არაფერს გააფუჭებდა.

მიწვილ ქავთარამე.



დემანოზი რაზიელ ინგილო-ივანიცკი.

1968 წლის მარიაშობისთვის ბოლო დღეებში, ვერსალის ერთ-ერთ სავადმყოფოში გარდაიცვალა მადრიდის მართლმადიდებელი ეკლესიის მოძღვარი, დემანოზი რაფიელ-ინგილო, რომლის ცხედარი დასაფლავებულ იქმნა ლევილში ქართულთა სასაფლაოზე.

განსვენებული იყო ცნობილი პოლიტიკური მოღვაწე, ეროვ.-დემოკრ. პარტიის დაარსებიდგანვე მისი მთავარი კომიტეტის წევრი. იმავე დროს დამფუძნებელი კრების წევრიც. მონაწილეობდა საეკლესიო-სარწმუნოებრივ ასპარეზზეც: იყო საქათალიკოსო საბჭოს წევრი და მისი მდივანი. ერთდროს რედაქტორობდა პარტიის მთავარ გაზეთ «საქართველო»-ს და შემდეგ პარტიისავე რუსულ გაზეთ «გრუზია» ს.

საქართველოს რუსეთის მიერ დამარცხებისა და დაპყრობის შემდეგაც არ შეუწყრებია ეროვნულ-პოლიტიკური და იმავე დროს საეკლესიო ასპარეზზე მოქმედება. დატუსაღებულ იქმნა 1921 წელს და იმავე წლის ნოემბერში გადმოსახლებული იყო ეროვნულ-პოლიტიკურ მოღვაწეთა და მებრძოლთა ჯგუფთან ერთად გერმანიაში. აქედან ის გადავიდა რომში და ითვლებოდა რომის პაპის სასახლესთან საქ. ეკლესიის ქათალიკოსის ოფიციალური რწმუნებულად. იმავე დროს იტალიურ ეურნალ-გაზეთებში ათავსებდა სტატიებს ქართულ პოლიტიკურ და საეკლესიო საკითხებზე.

სისტემატიურათ თანამშრომლობდა პარტიის ორგანო «სამშობლო» და «ივერია»-ში.

მეორე მსოფლიო ომის შემდეგ გადმოხინავდა პარიზში. ეკურთხა მღვდლად, წავიდა ესპანეთში სადაც ბოლომდე იყო ადგილობრივ ბერძენთა და ქართველთა მართლმადიდებელი ეკლესიის მოძღვარი. იმავე დროს თანამშრომლობდა ესპანეთის სახელმწიფო-რადიო-ტელევიზიის დაწესებულებებში და აწარმოებდა ეროვნულ-საეკლესიო ხასიათის გადაცემებს, საბჭოთა რუსეთის მიმართულებით.

ნიკო ნაკაშიძე

1966 წლის მაისის 22-ს მიუნხენში გარდაიცვალა ქართული სათვისტომოს თავმჯდომარე—ნიკო ნაკაშიძე, რომლის ცხედარი, თანახმად მისი წინასწარი სურვილისა, გადმოსვენებულ და დასაფლავებულ იქმნა საფრანგეთში, სოფ. ლევილში ქართველთა სასაფლაოზე.

განსვენებული იყო ახალგაზრდობიდანვე აქტიური წევრი საქ. ეროვ.-დემოკრატიული პარტიისა. მონაწილეობას იღებდა, როგორც ოფიცური საქართველოს მიერ გადახდილ ყვე-

ლა თავდაცვითი ომებში. საქართველოს, რუსეთის მიერ დაპყრობის შემდეგ დაპატიმრებულ იქმნა ფარულ პოლიტიკური მუშაობისათვის და მოთავსებული მეტეხის ციხეში, საიდანაც გადმოსახლებულ იქმნა გერმანიაში ქართველ ეროვნულ-პოლიტიკურ მებრძოლთა ჯგუფთან ერთად.

განსვენებულს საზღვარგარეთაც არ შეუწყვეტია პოლიტიკური მუშაობა და მისი პარტიის რიგებში აქტ უურად მოღვაწეობდა. მეორე მსოფლიო ომის დროს, ქართულ სამხედრო ნაწილში იბრძოდა. ომის დამთავრების შემდეგ, ის ეროვნულ-პოლიტიკურ მოქმედების ასპარეზზე სჩანს, როგორც აქტიური მომუშავე-მოღვაწე. იყო დაკავშირებული პარტიის დასტურით და მონაწილეობდა A. B. N.-ის ორგანიზაციასთან, რომლის ლენინალურ მდივნად იქმნა არჩეული. სწორდა სტატიებს ამ ორგანიზაციის უცხო გამოცემებში და მონაწილეობას ღებულობდა, იმავე ორგანიზაციის თაოსნობით სხვადასხვა ქვეყნებში მოწყობილ, ანტი-კომუნისტურ, მსოფლიო კონფერენციებზე, სადაც შეუდრეკელად და უკომპრომისოდ იცავდა საქართველოს და მოითხოვდა ქართველი ერის თავისუფლებისა და დამოუკიდებლობის აღდგენას. ქეშმარიტად, ის ღირსეულად ემსახურა მის სამშობლოსა და ერს და ჩვენი ატივისცემისა და სიყვარულის გრძნობაც დაიმსახურა.

საჯარო მოხსენება

ამაწლის აპრილის 23-ს Musee Sociale-ის დარბაზში, ქართველ მწერალთა და ჟურნალისტთა საზოგადოების გამგეობის მიერ მოწვეული, ეროვნულ-პოლიტიკური ემიგრაციის წინაშე ბ ელ. პატარიძემ წაიკითხა მოხსენება: «საბჭოთა პროპაგანდა ემიგრაციაში და ჩვენი ეროვნულ-პოლიტიკური პოზიცია და მიზანი».

თანახმად საზოგადოების თავმჯდომარე ბ ნი გ. ყიფიანის სურვილისა, კრებას თავმჯდომარეობდა ბ ნი ვიქ. ნოზაძე.

მომხსენებელმა პასუხი ვასცა «სამშობლოში დაბრუნებისათვის და თანამემამულეებთან კულტურული კავშირის კომიტეტის» ყოფილ ორგანოს «სამშობლოში დაბრუნებისათვის» და «უბლოკოში მცხოვრებ თანამემამულეებთან კულტურული კავშირის საზოგადოების» მიერ გამოცემულ ორგანოს «სამშობლოს ხმას», რომელთა ფურცლებზე, ათიოდე წლის განმავლობაში იბეჭდებოდა ამ საზოგადოებისა თუ კავშირის ყრილობების ანგარიშები თუ წერილები. მომართული ეროვნულ-პოლიტიკური ემიგრაციისადმი. მისი დაშლისა და დანგრევის გარკვეულის მიზნით; საბჭოთა აგენტების, ამავე მიზნით, პროპაგანდა და მოქმედება. ათეული წლების მანძილზე; მოიგონა ქართული ემიგრაციის მიერ, ამ ხნის

განმავლობაში, ნაწარმოები ბრძოლები და პოლიტიკური მოქმედება, ეროვნული თავისუფლების მოპოებისა და დამოუკიდებლობის აღდგენის მიზნით.

მოახსენების შემდეგ გაიმართა აზრთა გაცვლა-გამოცვლა, რომელმაც აღიარა და ნათელჰყო, რომ ქართული ეროვნულ-პოლიტიკური ემიგრაცია ისევ მზნეთა და ურყევათა სდას მის ეროვნულ პოზიციებზე, მოქმედებს და იბრძვის სანდგერი ღრუშის ქვეშ. სამშობლოს თავისუფლებისა და ეროვნული მეობისა და ღირსების აღდგენისათვის. ფამსწრე.

შოთა რუსთაველის ღლე

სადრანგეთში მყოფ ქართველ ემიგრანტთა სათვისტომოს და ქართველ მწერალთა და ჟურნალისტთა საზოგადოების გამგეობათა მეთაურობით, გასული წლის ნოემბრის 20-ს, პარიზში (Salle ADYAR) გაიმართა, შოთა რუსთაველის დაბადებიდან 800 წლისთავის აღსანიშნავად, საზეიმო ღლე.

ღლესასწაული გაიხსნა ეროვნული კიმნი—ღიდებითა და მარსელიოზით, რომელიც შეასრულა ქართულმა გუნდმა.

საზეიმო სხდომა გახსნა მოკლე და სათანადო სიტყვით სათვისტომოს თავმჯდომარე—ბ-ნ ლევ. ზურაბიშვილმა, რის შემდეგაც ზეიმის საპატიო თავმჯდომარემ,—ყოფილი ეროვნული მთაწარმის განათლების მინისტრ ბ-ნ ნოე ცინცაძემ წარმოსთქვა სიტყვა «ამ ზეიმის დანიშნულება».

რუსთველოვ ბ-ნ ვიქტორ ნოზაძემ წაიკითხა მგოსნისადმი მიძღვნილი სიტყვა მეტად მხატვრული და შინაარსიანი.

აღმოსავლეთ ენათა ინსტიტუტის პროფესორ გიორგი შარაშიძემ წაიკითხა მოხსენება «რუსთაველი და ქართველი ერი».

წაიკითხულ იქმნა ცნობილ მწერლის, ნეტარხენებულ გრიგოლ რობაქიძის: «რუსთაველი როგორც მხატვარი».

წაიკითხულ იქმნა: «რუსთაველის სოციალური და პოლიტიკური დოქტრინა» ბ-ნ ალ. მანველიშვილისა.

ბ-ნ ალ. შათირიშვილმა წაიკითხა: «ფსიქოლოგიური სინამდვილე ვეფხის ტყაოსანში», რომელსაც ავსებდა მისი მეუღლე პოემის შესატყვისი ადგილების ფრანგულად წიკითხვით.

შოთა რუსთველისადმი მიძღვნილი ლექსი წარმოსთქვა პოეტ—გიორგი ყიფიანმა. ევტიხი აბულაძემ და გიორგი წერეთელმა.

გამომცემლობა-რედაქციის მისამართი:

E. Pataridze

35, rue General Delestraint.

Paris (16)

Imprimerie Coopérative Arpajonnaise, Arpajon.

